



倘湖樵書初編卷之五日錄

蕭山毛奇齡大可氏論定
蕭山來集之元成父纂輯



治家之法

已死之軀殺賊報怨

自然之米

魚異

天然之字

樵書初編

卷五日錄

倘湖小築

自然之畫

動植泉石靈異有時日可刻

洛陽橋再修定數

蛰兆有吉有凶

濟瀆廟靈異

火能生物

闔題定數

水之乾濕靈異

撤賞金珠

草之有寶者

草木能奪天工

鳥獸蟲魚能奪天工

土木之像能神

人聲屬火

植物靈異變化

同異異同

山海經諸神

日月之異

樵書初編

卷五目錄

占卜異兆

二

倘湖小

治家之法

魏書源懷云爲貴人理世務但當提挈綱領何必須
太仔細譬如治屋但令外望高爽楹棟平正基壁完
牢風雨不入足矣斧斤不精斲削不密非屋之病也
澄懷錄云鄧禹內文明篤行淳備事母孝子十三
人各使守一藝修整閨門教養子孫皆可爲後世法
晉史孝子劉殷有子七人五授五經一授太史一
授漢書一門之內七業俱興 蔡虛齋清嘗曰儒者
致用尚欲經理一世康濟羣生今吾數日之家生計
樵書初編

卷之五

嘗不辦仰資他人貽憂父母才之疎劣于此亦可自
考 景行錄云觀朝夕起臥之早晏可以卜人家之
興替 胡文定語楊訓曰人家最不要事事足意嘗
有些不足便是好人家纔事事足意便有不好事出
來亦消長之理然也 家養正語錄云人生至樂無
如讀書至要無如教子富者教子須是重道貧者教
子須是守節 養子弟如養芝蘭既積學以培植之
又積善以滋潤之 陸放翁曰人莫不愛其子孫愛
而不知教猶勿愛也人莫不思其父祖思而不知奉

其教猶勿思也 鶴林玉露引周益公云漢二獻王

皆好書而其傳國最久遠士大夫家其可使讀書種

子衰熄乎 陳了翁曰與家人會食男女各爲一席

食已必舉一話頭令家人答一日問曰並坐不橫股

何也其孫女方七歲答曰恐妨同坐者 韋弦佩云

無此逍遙湯治倫理難醫之証寧耐一箇糊塗一箇

學龔一箇正經三分痴呆七分和勻用感化湯下如

前症未便卽愈再加逍遙一味服之呂新吾云心不

必太分晷纔分曉便是糊塗陳眉公云留三分正經

樵書初編

卷之五

一一

以度生七分痴呆以防死皆醫倫理之要藥也 葉

石林云後人但令不斷書種爲鄉黨善人足矣若夫

成否則天也 世範云自古人倫賢否相雜或父子

不能皆賢或兄弟不能皆令或夫流蕩或妻悍暴少

有一家之中無此患者雖聖賢亦無如之何譬如身

有瘡痍疣贅雖甚可惡不可決去惟當寬懷處之能

知此理則胸中泰然矣古人言如此 博聞類纂云

邱寺丞訓誡 一日之計乞丐卜祝一月之計童行奴

僕一時之計管絃歌曲一年之計牛馬駝驢五年之

計桑棗材木七年之計文章修讀十年之計進取官
祿三十年之計布惠修福百年之計無營無欲千萬
年之計爲金爲玉

樵書初編

卷之五

三

已死之軀殺賊報怨

古今來義烈之士爲厲鬼以殺賊挾幽恨而報怨如魏其灌夫之類往往見於正史而稗官所載尤多至於已僵之身正氣團結奮其英威直以毅魄敵敵真出意表令見者色駭聞者竄悚則其氣可以不朽而其事固爲甚奇耳予因覽党一元之事而併取其似于此者彙列于後豆棚閒話云崇禎年間陝西安塞縣党一元以剛直爲團練都司時青澗縣團練南正中行多詭詐強取一婦有孕三月爲之委曲設謀其

樵書初編

卷之五

四

婦乃一元之妹也婦不受逼投崖而死一元具文撫軍撫軍遣役攝之正中遂反命李三竟投老獾獾賊營撫軍命一元征剿正取勝問獾賊擁至衆寡不敵一元被獲嚼舌噴血於正中之面憤絕而死正中招聚羣賊設飲以鳴得意命其帳下卒將一元所騎之馬整頓鞍轡扶其屍仍跨馬上取一元平昔所佩雁翎刀插于其懷軍中齊奏鼓樂南雷練手擎卮酒謂之曰党都司往昔英雄無敵何至落吾手中今復能與我抗乎澆酒于其面忽此馬頓鬃鬣豈大嘶一聲

屋瓦欲裂党都司遂倉舉鬚張掣劍于手直斬南園
練南頭落而党屍墮地仆焉舉座失色其馬出遇李
三蹴踏斃之馬仍哀鳴而死此崇禎末年事也 異

苑云潯陽周虢字孟威寧康中鎮巴西爲符堅所獲
守節不屈堅使使者道意虢躬治遠陌謂使者曰煩
君語賊符堅何至仰煩國士如此又潯圖襲堅堅聞
之曰小人正欲覓死殺之適足成名耳乃苦拷楚不
食而卒殮已經旬堅怒猶未歇剖棺臨視虢屍歛廻
眸鬚髭張裂睛瞳明亮廻眸屬堅堅覩而嘉稱厚加

雜書初編

卷之五

五

賻贈 綱目云晉明帝鸞建武元年九月殺郃陽王
等七人陸超之者晉安王子懋之防閹也子懋被殺
子琳之勸超之逃云超之曰人皆有死此不足懼吾
若逃云非惟孤晉安之眷亦恐田橫客笑人元邈等
欲囚以還都超之端坐俟命超之門生謂殺超之當
得賞密自手刃之頭墜而身不僵元邈等厚加殯殮
門生亦助舉棺棺墜壓其首折頸而死 漁隱叢話
云花卿塚在丹稜縣之東館鎮至今猶顯英氣按花
卿字敬定本關中人唐至德間從崔光遠入蜀討段

子璋有功後平寇亂單騎鏖戰喪其二元猶操戈至東館鎮下馬沃盥適遇浣紗女曰無頭何以盟爲遂自僵仆居民墓之溪上廟祀不絕 塚廟記云黃巢之

亂廖中兄弟二人糾義兵迎敵賊斷其首猶躍馬七里與戰今祠在湖廣崇陽縣上津渡 廸吉錄云僞

蜀節度使王宗黯貪賄生日部下皆獻貨爲賀獨巫山令裴坦以民貧無所獻黯大怒召裴至誣以他事生沉澗頰堆水中三日屍不流宗黯遣人挽屍而下經宿復上卓立波面正視衙門黯不自安神識煩撓

樵書初編

卷之五

六

竟得疾暴卒 江西通志云南唐時豐城王子邳爲御史丞屬時艱虞與弟兵馬使子邳子邺統保社民兵以衛鄉井而寇果入境子邳獨搏戰賊悉衆掩之救不至遇害首雖斷猶挾足跨馬走五里許乃仆賊大駭竟以是去鄉人至今祭于社 舊區云張千總之先祖某素英果剛決以義勇爲伐鼓軍我師與敵戰敗北張時已無首矣而志存殲敵兩手猶伐鼓不休敗軍聞鼓聲轉厲其壯有加因轉敗爲功遂大勝後以功錄其子世襲廣信所千戶 吾學編景清本

姓耿陝西真寧人洪武二十七年進士第二人授翰林編修三十年署都察院建文初署北平叅議 成

祖常晏之尋召還 成祖卽位相傳建文君出亡志

圖興復乃自詣 上 上厚遇之清藏利劍衣衽中

謀行刺先一日太史奏客星犯帝座甚急色甚紅明

明日清果衣緋獨趨入朝候 上出殿門清直前犯

駕 上驚令執之得所藏劍清奮躍嫚罵 上大怒

先抉其齒且抉且罵含血前噴乃劍其皮實以草穢

繫長安門是夕 上夢清仗劍追逼晨過清繫所忽

樞書初編

卷之五

七

屍索自斷前一二步若張拳冒帝者三乃焚其先墓

夷九族又藉其鄉轉相攀染謂之瓜蔓抄 王行甫

云金陵金某西域籍也世販牛往來江北上主于

王庄其家甚相習也一日主人窺金輜重先伏二子

執刀道旁催金蚤起赴市遇二子殺之金反抱殺者

堅莫能解相持許久有田夫起耕田見二人持道上

趨視之隣居之子與一無頭人持也屍見人至始解

抱而田夫盡知見之矣聞于官父子伏罪 輟耕錄

楊連真珈發掘宋陵之禍起于天長寺僧福聞成于

濱福僧劍澤方移理宗屍時澤在旁以足蹴其首以
示無恐遂覺奇痛一點起于足心自此苦足疾數年
以致潰爛雙股墮落十指而亡聞既得致富不義之
財復倚揚髡勢豪奪產業後爲鄉夫二十人伺道遇
聞屠而齶之罪不加衆各不過受杖而已

而杜棕鎮淮南反表爲首此雖兵科之爲害
爲府然總是漕渠之患則以漕之根原補漕成

人夢一古

是若漕者日者百一乃矣其尤

表九族又爲其不備相與爲之瓜分抄一王行

云金陵金家古時爲世販平往來江其有

聞鼠而鑽之罪不啻衆谷不盡受株而已

恨公母母幾幾奪董業翁翁瘵夫二十人臥臥

以楚竟臥雙雙董董十廿而子聞聞昏煙富不義之

示無惡惡費費畝一塊賦于民小自出苦民惡

飽飽嘗嘗鄂式蘇鄂宗鼠報鄂亦等以鼠鼠其首以

自然之米

五穀者種之美者也其播種刈穫之功姑勿論至以穀而成米尚亦頗費工力蓋天之示人以勞而得食也乃亦有得自地中不假人力者豈記述之附會或一時之傳訛與黃氏日抄云唐武宗時淮南旱荒百姓漉漕渠遺米呼爲聖米而食之菱蒲之類食且盡而杜棕鎮淮南反表爲祥此雖民稱之爲聖官表之爲祥然總是漕渠之遺則以豐年之狼戾補凶歲之缺陷未爲大異也按宋史熙寧元年潭州益陽縣雷

樞書初編

卷之五

九

震山裂出米可數十萬斛信米也但色黑如炭 惠州府龍川縣有霍山宋循州守林須霍山記云太乙宮巖內有穴唐會昌間穴中出米今時或有之 名勝志云逢米巖在會昌縣東三十里深廣二丈許伏虎禪師駐錫處有小竇相傳出米隨人多寡可給後人鑿之僅有泉流 宋真宗乾興元年六月蘓秀二州湖田生聖米居民取以食 又乾道四年春舒州雨黑米堅如鐵破之米心皆黑 元至正十一年衢州東北雨米如黍然則世固有自然之米與至天降

來麩

大麥小麥也

見于詩經倉頡造字而天雨粟見于古

史若夏禹時天雨稻吳桓王時金陵雨五穀于貧民

家富家則不雨呂后三年秦中天雨粟漢武帝時廣

陽縣雨麥又漢光武建武三十一年九月陳留雨穀

形如稗實宋仁宗元豐二年六月忠州雨豆七月南

賓縣雨豆遼道宗咸雍四年六月壬子西北路雨穀

方三十里金大定十六年三月戊申雨豆于臨潢之

境其形上銳而赤食之味頗苦元正十一年十一

月建寧浦城縣雨黑子如稗實邵武大雨震電雨黑

樵書初編

卷之五

十

黍如蘆秫信州雨黑黍鄱陽縣雨菽豆郡邑多有民

皆取而食之合之于前則或從地出或從天降毋煩

播種覆耨勤動糞土之加矣若夫扶海洲上有草名

齋其實食之如大麥從七月稔熟民歛穫至冬乃訖

名曰自然穀或曰禹餘糧此則雖云自然亦理之所

有耳仁宗嘉祐七年三月彭城縣白鶴鄉地生麵五

月鍾離縣地生麵占目民將飢徵宗政和四年八月

建州境內竹生米數千萬石名山記云唐有裴頤

陀者鐵履渡江居于福建永安縣山中披荆纂創小

庵坐側石罅日湧米二升以膳之客至則隨增後人
大其竅米遂絕所居之地名頭陀巖 名勝記云濟
南章邱縣有天倉嶺相傳戰國時齊師飢見巨蟻銜
粟前過因隨覬至嶺上遇穴發之獲粟以濟因名天
倉 湧幢小品云滋陽縣大飢衆皆携老幼逃散忽
一羽士星冠挂瓢劍過之指一隙地曰此下有土飯
可食忽不見衆駭之掘地尺餘土皆碧綠色微有穀
氣饑者捧而吞之膩如利麪下咽甚適衆爭啜至飽
一方數千人皆取給焉地成坑且數畝深可二丈獨

樵書初編

卷之五

七

不蓄水易歲麥將熟羽士忽至此俯地若有所拾坑
已滿再掘成沙土不可食矣 名山記翁州石倉在
彭山縣半山石壁間有崖竇如蜂房相傳竇中常出
米崖上刻石倉米洞四字 閩書萬歷二十年福建
連城縣姑田一里出竹米數萬斛時飢民食之得活
聞奇錄云乾符中武義縣有人入山墜子掘地二
尺來忽陷丈餘深數尺收得秣百斛莫知其由將以
釀酒其味濃厚 雲仙雜記引二賢典略云無棣有
灰山山南有石竅其中二麥取之不極

魚異

魚相依于水離水卽死不必刀刃也乃有刀刃所傷尚復噉嚼蠕動得水尚復游泳豈水卽是命刀刃又其次與陶朱新錄云河南廣武山漢高皇廟在其麓殿前有八角井曰漢泉井中有三魚一金鱗一黑鱗一如常而一邊鱗肉與骨皆無獨其首全與二魚並遊水中但其遊差緩不復有揚鬣撥刺之勢觀者凭欄俯窺雖異之而猶未審一日有墮井而死者因慮之遂得三魚鱗色如在水中時半邊者五內皆無方

樵書初編

卷之五

十一

大異之復置井中至今三魚尚存俗傳高皇食膾庖人治魚及半而楚軍至倉皇棄魚井中而遁此語固無根難信然已剝之魚而游泳不死亦可怪也夢溪筆談云越州應天寺有鰻井在一大磐石上其高數丈井纔方數寸乃一石竅也深不可知徐浩詩云深泉鰻井開卽此也其來亦遠矣鰻時謂遊人取之置懷袖間了無驚猜如鰻而有鱗兩耳甚大尾有刃跡相傳黃巢曾以劍刺之凡鰻出遊越中必有水旱疫癘之災鄉人嘗以此候之華鎮攷古云飛來山下有

石井大如盆盂無耗溢有二鰻文彩爛煥相傳下通
滄海餘姚客星山山半有華清泉一名旋井昔有人
得一鰻于井持歸鬻而烹之俄而失鰻後數日見其
游泳于井而有鬻痕疑其爲龍云奉化縣有靈濟泉
昔有牧童浣衣于泉得巨鰻持歸鬻而爲九良久失
去急往泉所視之而鰻成九節復游泉中每旱致禱
得見此鰻則雨立至宋宣和中立碑記其異

諸書所載非常之魚併列于後酉陽雜俎云同陵溪
中有魚其頭似羊俗呼羊頭魚豐肉少骨殊美于他

樵書初編

卷之五

十三

魚 述異記云海魚千歲爲劍魚一名琵琶魚形如
琵琶而善鳴因以名焉 杜陽雜編云處士元藏機
海舟壞沒飄于一島曰滄浪洲內有良金池可方數
千里水石沙泥皆如金色其中有四足魚刑部員外
盧得云金義嶺有池如盆其中有四足魚 遜齋閑
覽云海中西物甚多人大抵以狀名之朱崖之海有
物正如鞠毬大小質狀無異亦有紋如絲其味極肥
美人但呼爲毬魚 霽雪錄云安南國有一種魚銳
首無鱗有骨若插箭然味似河豚名戴帽魚 述征

記云城陽東南有堯母慶都之墓上有堯母祠繞墓有池池魚類問生印謂之印頰魚 一統志陝西岷

州衛有齒魚出閭井河魚有齒舌 余皇日疏云海

中所產多類人身而人魚其全者也妖青類人首眉

目宛然玄羅類人足厥車類男陰文嚙類女陰文嚙

卽淡菜也又名東海夫人至于貴鈴類鳳莖鍾類鹿

鳩賊類象木藻類鳧更奇 名勝志龍門江在安南

嘉興州蒙縣源出雲南寧遠州至此橫截江流中分

三道飛湍聲聞數里旁有穴多出鸚鵡魚色青綠口

樵書初編

卷之五

十四

曲似鸚鵡 靈川縣水產鮪魚四足有角聲如小兒

嶺表錄異云鹿子魚有鹿班赤黃色羅州圖南海

有洲每春夏此魚躍出洲化而爲鹿曾有人拾得一

魚頭已化鹿尾猶是魚南人云魚化爲鹿肉腥不堪

食 又興安縣龍蟠山有乳洞斜貫一溪名靈水溪

溪中魚皆修尾四足丹其腹人不敢捕捕則有風雷

之變 朝野僉載云峰州有一道水從吐蕃中來夏

冷如冰雪有魚長一二十寸來去有時並水上如粥人

取烹之而食千萬家取不可盡不知所從來 杭州

富陽縣韓珣莊掘井纔深五六尺土中得魚數十頭
土有微潤 東坡仇池筆記云眉州青神縣道側有
一小佛屋俗謂之猪母佛云百年前有牝猪伏于此
化爲泉有二鯉魚在泉中蓋猪龍也蜀人謂牝猪爲
母而立佛堂其上故以名之泉出石上溪不及二尺
大旱不竭而二鯉莫有見者余一日偶見之以告妻
兄王愿愿溪疑意予之誕予亦不平其見疑因與愿
禱于泉上曰余若不誕者魚當復見已而二鯉復出
愿大驚再拜謝罪而去 閩書石斑魚生南方溪澗

樵書初編

卷之五

七

水石處長數寸白鱗黑斑浮游水間聞人聲則劃然
深入僧行儒言建州有石斑魚好與蛇交南中多隔
蜂窠窠大如壺常羣蟄人土人取石斑魚就蜂側灸
之標于竿上向日令魚影落于窠上須臾有鳥大如
燕數百互擊其窠碎落如葉蜂亦全盡 何羅之魚
一身十首化而爲鳥其名休舊竊糈于春傷墮在日
夜飛曳音聞春疾走 東方有魚其形如鯉其名爲
鮓六足鳥尾繡爲之母胎育厥子 南雍州記云襄
陽有古井內一魚無肉惟骨相連 月南林叢要云

鯖魚身小首大音如嬰兒 天牛魚方圓三丈眼入
如斗口在脅中露齒無脣兩肉角如臂兩翼長六尺
尾長五尺 海中有魚曰鼠鮎善食鼠每揭尾于沙
際以給鼠鼠見之以爲彼且失水矣舐其尾將食之
鮎卽轉首厲齒撮鼠入水以去狼籍其肉羣蝦皆食
之 建同魚有四足無鱗吸水上噴高五六丈 段
成式云井魚腦有穴每翁水輒于腦穴感出如飛泉
散落海中舟人競以空器貯之海水鹹苦經魚腦穴
出反淡如泉水焉 黃山澗中生斑魚如蠅蛭而無
足善含水登木隱樹杪叢葉中仰口水汪汪然渴鳥
過而飲之翁翁曳而入水恣其嚙嚼小蟲設後活物
隱慘乃爾

天然之字

郭相奎郡縣釋名云岳州平江縣本孫吳漢昌縣唐置昌江縣昌水在縣北出幕阜流至南江其西南山澗中有巨石水溢其中環繞類昌字形下流合汨水入洞庭 漢置句容縣以縣東南有山形如句字之曲 處州遂昌縣有孟山頭兩山前後如昌字名平昌山吳赤烏三年置平昌縣晉改名遂昌 廣東樂昌縣有昌山山二石相連上小下大如昌字故名曰樂昌者以昌爲樂土也 陝西商州有商山以山形

樵書初編

卷之五

十六

如商字一名商洛山卽秦時四皓隱處 四川巫山縣縣南有山形如巫字卽高唐賦中所云也 巴縣有巴江在府城東北閬水與白水合流曲折三回如巴字唐李遠詩巴江學字流故又名文字江巴字水每江漲登山望之點畫天然甚肖 又永川縣縣之水三溪合而似永字 江津縣有凡水卽岷江也過縣下合涪水而東當縣治處形如凡字故又謂之凡江 玉海云天寶初有獻書闕下言巴蜀之間有石鏡見于巖之半仁壽之字昭然可觀 延平志勝云

宋章齊先生朱松爲允溪尉任滿假館于鄭氏建炎
庚戌九月十五日考亭夫子生焉先是文山在清印
溪濱隔溪爲公山二山草木繁密及考亭旣生野燒
同時盡焚山形畢露儼若文公二字 成都綿竹縣
有無爲山宋淳熙間碑云羣雁排空成無爲二字故
名 通江縣有公山隔江形如公字 江油縣有山

接彰明界高聳亭亭形如匡字此大匡山也 瓜水
在寧州南志謂沅江之水流自北角思永之水流自
西角轉而東南丁矣冲之俱會于茶部冲形如瓜字

樵書初編

卷之五

七

故名 又寧州有登樓山蒙氏有國封爲東隅之神
山形如文字一名文峰 廣信志勝云鉛山縣白石
底絕頂上有天成入字極端楷相傳呂真人逐蛇入
穴巖中以劍劃成 南豐縣有麗禾石宋紹興四年
五月十日風雨晝合雷震石上拆裂成大字縱橫交
互不可識乃鏤板傳觀有道人辨之曰此介嘉叅稷
字也旣得其譌競熟視之果然自是郡境屢豐 寰

宇記云言水源出永安鄉北會于顛水古老傳云吉
水出有坂文成吉字按志十八灘水自泰和而下經

府城又東北注于墨潭爲吉文水與永豐江水之橫
出者合有清湖洲橫亘江中委蛇繚繞狀若吉字故
灘曰吉陽縣曰吉水又曰文字水又曰文江 宋仁
宗慶歷三年十二月澧州獻瑞木有文曰太平之道
英宗治平四年六月汀州進柏木板二有文曰天
下太平 紹興十四年四月虔州民毀歆屋折柱木
裏有文曰天下太平 孝宗淳熙十六年七月首陵
民析薪中有木字曰紹熙五年如是者二是時紹熙
猶未改元其後果止五年 元成宗元貞元年太平

樵書初編

卷之五

六

路蕪湖縣進榆木有文曰天下太平年 至正十六
年有黍自生成文紅楷黑字其上節云天下太平其
下節云天下刀兵 大歷中成都百姓郭遠 因樵獲
瑞木一莖理成字曰天下太平 宣和五年 福建順
昌縣交溪廖懋以奉議大夫家居役夫鋤柿木爲薪
有文曰聖元天何四字體製楷正墨色瑩然

洪武間臨川獻瑞木中有文曰天下平一正一反質
白而文玄當有文處木理隨畫順成無錯逆者 東
魏孝靜帝天平四年六月壬申齊神武如天 龍獲瑞

石隱起文曰六王三川 宋太宗太平興國四年九月來山縣民王誼得黑石二皆丹文其一曰君王萬歲其二曰趙二十一帝緘其石來獻 徽宗政和二
年元圭始出晉州上一石綠色方二丈餘當中有文曰堯天正其字如掌大而端楷類手畫者堯字居右天正字綴行於左都堂驗視礮石三分而字畫愈明又于堯字之下隱約出一瑞字位置始均蓋曰天正堯瑞云或謂晉陽堯都也方元圭出乃有此瑞焉建炎三年四月鼎州桃源洞大水巨石隨流而下有文

曰無爲大道天知人情無爲窮冥神見人形心言意語鬼聞人聲犯禁滿盈地收人魂 晉史吳興戴洋善風角庾亮鎮武昌咸康三年洋言于亮曰武昌上地有山無林政可圖始不可居終山作八字數不及九昔吳用壬寅來上創立宮城至己酉還下秣陵陶公亦陟八年土地盛衰人心去就有期不可移也公宜更擇吉處武昌不可久住 山堂肆考唐貞觀十七年八月梁州松昌縣鴻池谷有石書質白文成字入十八太宗遣使祭之曰天有成命表瑞貞石文字

昭然歷數惟永又二十年陝西有石成字曰李君王
開元十九年河南登封縣石文舊有帝字新生上字
廣西富川縣有碧雲洞洞門石脉隱起廣陽島三
字遠極分明近視如孳絮狀 閩書閩縣薛老峯山
頂突起向陽峯三字周朴詩薛老峯頭三個字須知
此與石齊生直教截斷蒼苔色浮世人才始眼明薛
老薛逢也咸通中爲侯官令與僧靈觀遊劍庭其側
人書其峯曰薛老云僞閩癸卯歲一夕風雨聞山上
如數千人喧噪旦則三字倒立其年閩云云 惠安

樵書初編

卷之五

三

縣靈瑞山有員常院院東北麓大石上石痕濃淡隱
隱成山字怪偉可喜 政和縣佛字山石上有紋成
佛字莆田嵩山在海濱山頂有峯名文筆其上石壁
有苔文宛然文筆峯二大字刮去復明 連城縣有
蕭坑山萬歷中令徐大化築北閘鑿石此山石線中
有徐欽徐昌四大字連人異之 嘉靖甲辰秋七月
旣望沙縣大路旁有巨石一片方數丈忽暴雨震
電石旁數十丈昏黑莫辨隱隱雷鳴不止約二時乃
雨晴雷止行人見石上刻五十七字大六寸皆如符

篆之文又有如禹刻者竟莫辨何字也今歲久糊模
矣 干一錄云萬曆己亥寧國府涇縣雲見四字久
之乃沒踏疲贅蜀 晉書張軌霸河西時張掖臨松
山石有金馬字磨滅粗可識而張字分明又有文曰
初祚天下西方安萬年姑臧又有玄石白點成二十
八宿 酉陽雜俎云徑山西有石壁壁間千餘字色
黃不似鐫刻狀如蝌蚪莫有識者 杜光庭錄異記
云唐李襲譽爲涼州刺史奏昌松有瑞石自然成字
凡一百一十字內有太平天子李世民王年年又有

樵書初編

卷之五

世一

貞觀昌大聖又有忠孝爲善等字勅禮部郎中柳逞
馳驛檢覆不差 王行甫云西陵三十里外大安寺
石壁黑質白文成顏氏地位四字瞭然天成其邑周
柳塘先生題其峯曰卓爾 西又瑞州高安縣字山一
曰龍珠山峭壁高峻有倒寫以易二字白質黑文高
廣皆里許而又端楷不直近似 德化縣丁溪俗云
水畫丁羅簪纓宋時一夕雷雨決流一縱一橫成丁
字邑人程揚林登高第 陝西城固縣西北合流兩
水宛如文字名文水 唐齊王元吉于晉陽宮獲青

石若龜形有五丹書曰李淵石萬吉元吉遣使獻之
文字映徹高祖不信乃令水浸磨以驗之數日漬而
紅色磨之其字愈明高祖曰上天明命貺以萬吉以
少牢祀祭石龜而爵送之人 漢書昭帝時長安諸
陵栢樹枯倒者悉生枝葉蟲蝨作字云曾孫病已立
既而昭帝崩昌邑王廢而宣帝立宣帝一名病已

智伯率韓魏攻趙時趙襄子奔晉陽原過從後至于
王澤見三人自帶以上可見自帶以下不可見與原
過竹二節莫通曰爲我以是送趙無卹原過以告襄

樵書初編

卷之五

廿一

子齋三日親自剖竹有朱書曰余霍太山陽侯天使
也 唐大歷中成都百姓郭遠因樵獲瑞木一莖理
成字曰天下太平詔藏于秘閣 齊永明九年秣陵
安時寺有古樹伐以爲薪木理自然有法天德三字
真州宋藝祖發迹地有樵破樹樹中有生成三字

曰天下趙

自然之畫

字雖屢變其體然起於上古畫則起于後代固未嘗
不因天地之自然是以前有自然之字則亦有自然之
畫其理去耳因臚而列之名勝志岳州慈利縣有
花石在縣之武口寨石上自然有花如堆心牡丹枝
葉繚繞雖精于畫者莫能及或以物擊花葉應手而
碎略加拂拭其花復見重疊非文獻史異云宋孝宗
淳熙初秀州呂氏家冰瓦有文樓觀車馬人物芙蓉
牡丹萱草藤蘿之屬經日不釋元至正二十五年

樵書初編

卷之五

三

三月辛亥汴梁雨木冰狀如樓閣人物冠帶鳥獸花
卉百態具備羽幢朱葆爾望不絕凡五日始解唐
昭宗景德中滄州城塹中冰有文如畫大樹花與葉
芬敷者時人以爲其地當有兵宋真宗景德元年
二月保順軍城壕水陷起文爲桃李花雜樹人物之
狀宋太宗至道二年桂陽監鑿銀自溷成山峯狀
都穆云河南新安有玉喬洞石皆土所成取而破
之木葉之形交錯其間文理具存若雕刻者盡山石
皆然洞之上二木亦皆化石而復產枝葉靈川縣

西山在桂江之上其山九峯屹立丹崖蒼壁望之如
畫繪然山堂肆考云大理府點蒼出石白質黑文
有山水草木之形溫潤如玉可琢爲屏又階州北峽
中有石青質黑理其文有松栢人物溪橋木石山林
樓閣日月之狀朝野記畧云定海東桃州山寺栢
傳安期生以醉墨洒于石上遂成桃花冷名桃花石
也六記畧云儲柴墟壺于正德癸酉以吏部左侍郎
卒于南都其子灑扶柩歸海陵之第丙子塗瓮擯于
墓舍丁丑十月啓而葬諸別域發視棺上變生黝墨

樵書初編

卷之五

廿四

成繪畫文具畫家鱗皴烘染之法前則奇石古松旁
出二篠莖葉咸備左則梅林天矯稍綴數花其杪右
如左而樹差短全無花古雅蕭散非俗工所能爲後
有文隱隱未就家人驚愕走聞州大夫馳駕來觀削
而究之深入木理四境嘆異灑乃拂楮其上模其大
都藏于家廟廣西志勝云鰲頭山俗名鷄籠山在
崇善縣城東北四里卽鰲山也屹立江心其頂有方
石長八尺四面花闌中有石紋自然成樹如丹桂狀

懸楊篇云辛丑夏金陵造海舟下令諸郡縣伐木

如臯鄉中有栢樹大十數圍亦在伐中以其艱重難
舉鋸而析之中有觀音大士像極其端好崖石水竹
童子鸚鵡之影纖悉備具儼若圖畫此面所有合之
彼面亦無少別當事聞其異乃止勿解今以一面嵌
置縣西門僧舍殿壁中衆共瞻禮餘一面不知所在
游小朋近過如臯日擊焉 陳承曰乾州乾陵所出
栢樹子實氣味豐美其栢異于他處木之文理大者
多爲菩薩雲氣人物鳥獸狀極分明可觀有盜得一
株徑尺者值萬錢 未齊雜言云肇慶岩洞中石乳

樵書初編

卷之五

五

溢出結成人物之狀者甚衆其瀕海處則有石蟹石
蛇之屬首足尾甲皆具而端溪之可以爲硯者往往
五色成文萬象皆具宛若畫 樽俎餘功云余尚書
靖知桂州時每月盈夕聞笛聲甚清遠察其聲自溪
林處大栢木中出乃伐爲枕笛聲如故公甚寶之公
季弟欲窮其怪命工鋸視但見木之文理正如人月
下吹笛像膠合之不復有聲 由東新城縣王氏科
第之盛始于少司徒見峯公公常夢仙人授丹訣自
楚撫歸出銅拳鑄爲器食項冶人尖聲驚走公就視

則二拳墮地 牝牡相合成山焉有岫有巖有洞壑有
鸞雀壽星中踞羣真環列其巔則金母坐而仙姬侍
後有洞大士入定其中所現仙真皆肖生雖雕鏤不
能及也 三柳軒筆記高州茂名縣黃沙大石嶺理
有崖樹景物宋子因帥師桂林以兩石致洪景盧老
韓扶疎上挾雲氣下臨廣漠混然天成痕無斧鑿過
求石遠矣 王行甫云姑蘓一富人韓某暑月坐堂
中令櫛工理髮忽暴雷起繞柱奮擊遲回其人驚死
復活乃堂前砌石上繪有梅花一枝紋理精妍 又
樵書初編

卷之五

共

黃州一家藏有大理石屏風黑質白文成梅花一樹
繪事所難工其墜瓣紛紛撼風輕颺觸目生動樹下
一巽字端楷類趙承旨書非他可及

動植泉石靈異有時日可刻

各勝志云廣州東莞亦有廬山山上有湖每甲戌日輒聞鼓角聲又肇慶府四會縣亦有扶廬山世傳山上有池每甲戌日聞笙簫鼓角之聲疑卽一山兩府接壤而分記兩處密雲縣有霧靈山每擁祥光如霧以六月六日現土人如期候之贛州志勝云贛縣黃堂山有石室口方八尺如數千間屋上通天窓下有方榻二石人巾櫛而坐旁有小石室七所相通悉有石人室前有車馬跡春夏不草無毒蟲林木繁

樵書初編

卷之五

七

茂水石幽絕山下居人每丙日輒聞室有笳鼓笙樂之音蓋靈仙窟宅也鄧德明南康記云山角石子如彈丸至丙日則不見他日皆在李元陽云畢鉢羅窟各竇波羅窟在白崖川西山巖壁經校千餘丈其下林麓蒼鬱無路可由南詔時有杜南蠻者卽崖而寺之捫摩巖壁上有獨木橋半餘所未如大指長三尺或五六尺巖險不敢着脚樵子偃疾者履之而過亦不損折其木非常見之材每月十五夜換禱一次不知其因十六日但見橋製一新無復舊木矣世

謂之仙橋昔寺僧畜犬仙橋斷後屏犬橋復完 入

蜀記云過巫山凝真觀謁妙用真人洞真人卽巫山

神女也洞正對巫山峯巒上入霄漢山脚直挿江中

議者謂太華衡廬皆無此奇然十二峯不可悉所見

入九峯惟神女峯最爲纖麗奇峭宜爲仙真所托祝

史云每八月十五夜月明時有絳竹之音往來峯頂

上猿鳥皆鳴達旦方漸止云湘潭方廣寺每四月朔

日東壁見維揚官府樓堞 秦再思記與云嵩山之

上有玉女搗帛石瑩徹光潔人莫能測岳下之人云

樵書初編

卷之五

廿

每立秋前一日中夜嘗聞杵聲響 羣芳譜云中秋

天色陰晴與外國同蘓東坡曰故人史生爲余言常

見海賈云中秋之月雖相去萬里他日會合相問陰

晴無不同者公集中有中秋詩嘗聞此宵月萬里同

陰晴天公自着意此會那可輕 方輿勝覽云雍之

洋縣念佛巖下有潭如碧鏡每歲五日巳午間忽有

泡光出色艷異甚常時則無 人文昌雜錄廣州大奚

山洞端午間土人以紙墨手摸石壁覆紙刷之得咒

語藥方之類見自然方藥條 下 圖經云陽江縣海

中有魚每五月五日夜悉登岸化為鹿 建水州南

回回村有龍井每正月朔旦水中輒浮雙魚 祁陽

縣北金冲井旁有一竅每日午水溢緋魚遊泳夜半

魚匿日午又然 惠州志云惠州南海有黃雀魚常

以八月化為黃雀至十月後復入海為魚 泉州志

勝云德化縣五花山有端午泉每五月之朔泉水溢

至欄凡五日為度 唐咸通間蜀僧無晦至五花山

鑿石築室與虎同居穴土得泉深數十丈味甚甘冽

端午日指井語曰此泉萬古及此日則溢而至欄吾

樵書初編

卷之五

芄

化後以此為證今五月朔日則泉涸至五日盈坎院

挹注以辨千人齋翼日如故號端午泉 廣信志勝

云永豐縣六石峰上有聖泉每歲以立夏七日應期

而至有聲如雷則為年豐之兆過期則旱冬至則泉

竭 蕭縣有天棗樹一株枝幹蟠屈數百年物正二

月之交開小花結實如酸棗可食四月初七日全樹

皆熟初八日遂空 猗園云五臺山有鐵樹定以六

月十九日開花 羣芳譜云青城山有牡丹樹高十

丈花甲一週始作花永樂中適當花開蜀獻王遣使

視之取花以回 七修類藁云予友烏鎮王天雨濟

爲橫州州判言橫之馴象衛指揮殷貫家有盆樹一

株高可三四尺幹葉皆紫黑色葉小類石楠質理細

厚間之曰此鏡樹也每遇丁卯年則花開四瓣紫白

色如瑞香較少圓耳一開累月不凋 慎蒙名山記

云洱海之內每於八月墜夜河漢正中有珊瑚樹出

水面漁人往往見之世傳海龍獻寶內典云珊瑚撐

月 河州鳳林關有靈岩寺每七月十五日則流出

聖柰大如盞 鶯粟花九月九日及中秋種之花必

樵書初編

卷之五

三

大又必滿 波菘菜下種于地必過月乃出其初一

二日下種與二十八九下種者皆于月過同出

千一錄云閒居數年墻之東嘉樹如蓋有鵲巢焉每

年修巢必以小雪日其梁之上必吉日也門之向歲

必更雛能飛矣鳩則逐而居之五六月鳩將雛去小

雪鵲乃復來畧無爽也 鷓鴣雖復東西迴翔命翻

之始必先南翥又飛逐月數如正月一飛而止但伏

巢中不復起矣十二月十二起 俗傳八月一日蟹

取稻芒兩枝長一二寸許東行輸送其長 簪曝偶

談云許叔微精于醫云五臟蟲皆上行惟肺蟲下行
最難治常用獼瓜爲末調藥于初四日六日治之此
三日肺蟲上行也 朱平涵云鵲髻于七夕 短狐

上弩于孟夏之朔短狐卽蟻四月一日上弩八月卽

弩 徐雲林云五月五日蝦蟇必伏水草不鳴 七

月七日烏鵲則集林木不飛 海中有甲物如扇其

文如瓦屋名海扇三月三日潮盡乃出 丙日嘉魚

出穴 甲子庚申日玳瑁閉口不食 蝙蝠伏庚申

夜 鼠伏甲子夜 蝻蟲逢申日則過街 燕啣泥

樵書初編

卷之五

十一

避戊巳 道州舜祠遇正月元日則山狙朝廟猿亦

如之 南靖縣鰲池有祠每朔望則羣魚浮列水上

宣和士人之蠹魚石至午則堅冷爲石至巳時則

蠕動爲小蟲 李芬之未石每日至未時則氣出如

雲烟 羣芳譜藝菊法小暑至秋分看節邊蛙孔有

蟲在內用鐵線插入孔上半月向上搜下半月向下

搜又梅雨中濕熱時葉底蟲各象榦青色如蠶食葉

上半月在葉根上榦下半月在葉根下榦 物類相

感志苦種日蟻嘍一齊出 九月九日蚊嘴生花

說畧云銅器入土千年純清如鋪翠其色子後稍淡
午後乘陰氣翠潤欲滴有土蝕處或穿或剝並如蝸
篆自然或有斧痕則是僞也 鵠鳩餉子日從上而
下暮從下而上 物類相感志魚始雷向下未驚聳
頭皆向上 土附魚清明之前眼閉過清明眼卽開
食菊之蟲朝在葉上午在葉中暮在葉下不特分
朔望也 天中記云取鷹法七月二十日爲上時內
地者多塞外者殊少八月上旬爲次時八月下旬爲
下時塞外鷹畢至矣 又鷺鷥人養之于池塘馴若

樵書初編

卷之五

廿一

家禽至白露日卽飛騰而去有人養之或告其故不
信及期果去有詩憶念幾成編集 黃閩武陵記云
武陵一孤山嶺有池魚鱉無不備者七月七日皆出
遊嶺顛族類各別

洛陽橋再修定數

朱平酒云宋蔡忠惠創洛陽橋橫亘江中選時揆日
畫基所向缺趾所立皆豫移檝江神神得其吉告之
至鑿石伐木激浪以漲舟懸機以跂緯每有危險神
則來相趾石所累螭輒封之至今泉州人能言而公
自作橋記直言丈尺費金錢成數與年月時日首尾
不及百字噫若在今日不知許多誇張并及神異夢
寐已俗傳端明造橋移檝海神一卒應募得醋字還
解曰酉月廿一日此事亦竒然實前朝蔡錫之事名

樵書初編

卷之五

三

賢錄云蔡錫字廷予鄞人中永樂癸卯鄉試入胄監
以學行選授兵科給事中陞知泉州府時洛陽橋圯
發故石有刻文云石頭腐爛蔡公再來遂捐俸修之
橋故跨海潮日奔湍施工極難錫乃爲檄海神募
賫批者皆莫應忽一醉卒踉蹌而前曰我能往乃飲
酒大醉自没于海若有神接之者遂得批以還復于
錫上有一醋字錫妄意曰得非八月二十一日耶刻
以是日興工潮不至者旬日橋遂迄工更其益爲萬
安民德之立祠其旁配享端明錫累官至湖廣巡撫

又仁和鍾化民字維新其母夢蔡忠惠襄而生宰惠安時洛陽橋壞渡者苦溺橋工鉅且架海難爲力化民毅然修復之旣尅期爲文告海神海不揚波者五日人稱神明及更新忠惠祠於座前土中得碣云五百年後爲怪濤所折繼我者其維新焉後化民以太常少卿巡撫河南卒于官 上特賜祠額名忠惠出

於宸斷不由擬撰而適與蔡端明之祠諱合亦可異也然則端明之于前明蓋兩次降身矣或疑其數之

前知而端明又未嘗以前知著稱也 按鍾化民萬歷已卯舉人庚辰

樵書初編

卷之五

五

皇

進士 闔書泉州晉江李俊育鳳池里人以貴豪里中

而急爲義縣洛陽橋壯橋也歲久海沙日積橋趾下

沒而風潮過當水常漫橋不得涉守馮禎以委俊育

俊育出貲高之幾五尺餘凡費貲萬計今其子孫多

衣冠而鳳池之李爲華族然則洛陽橋之在于前明

蓋三次大修矣 按忠惠母盧氏忠惠於慶歷初爲

諫官有除授非當者屢封還仁宗遇忠惠益厚曰有

子如此母賢可知特賜冠帔以處之又忠惠子旬妻

劉氏者員外昇之女也忠惠故與員外善員外以女

許旬既員外死家益落忠惠知福州特就劉尋婚劉以非偶辭忠惠不可具奩送劉命旬娶員外女以歸而旬天子傳方二歲劉撫教之六經子史皆使貫串傳以養母早乞致仕傳子櫛出知泉州爲忠惠舊治劉已封令人白首康強傳綠髮尚茂泉州仙遊相距四舍許板輿往來奉養珍厚衆人榮之忠惠有賢母毓之于先而其後有賢媳有賢孫有賢曾孫洛陽橋之造留澤旣廣食報亦深矣閩書又云泉州烏嶼

四面皆水嶼上可居民砌石爲沉橋宋寶祐中僧道

樵書初編

卷之五

三

詢募建石橋名鳳輿盤光橋長四百餘丈廣丈六尺比洛陽橋長加四百餘尺濶加一尺此二橋海中相望如二虹然道詢少遇了角髯道人授以丹丸遂同悟內典若惠安峯崎山之青龍橋獼窟嶼橋皆其所建當獼窟未橋時與了角髯道人待渡嶼前道人曰何不橋此曰風波日待橋不易也道人曰患無真念道詢遂率其徒成橋七百七十間一日建庵或欲捨之用辭曰世間田有數我敢與人爭食哉自障白沙海孺田之至其高處爲庵其始障也埤爲潮噓道詢

扇麾之曰海于天地間最大不能尺寸相讓耶遂立
退三尺然則福建之橋固有大于洛陽橋者而亦有
靈異如造洛陽橋者特洛陽橋以蔡忠惠益著耳

何匪我曰沈存中言水以漳洛名者甚衆洛落也水
落于下謂之洛舊號洛陽九域作樂洋江後乃以洛
陽名之洛陽橋名萬安橋蔡忠惠襄所造橋心有洲
洲上有關門晉惠二世界此江也忠惠橋記泉州萬
安渡石橋始造於皇祐五年四月庚寅以嘉祐四年
二月辛未訖功纍趾於淵醜水爲四十七道梁其長

樵書初編

卷之五

三

三千六百尺廣丈有五尺翼以扶欄如其長之數而
兩之靡金錢一千四百萬求諸施者余同年都給事
中劉宏寶者洛陽里人爲余言幼讀書祠下嘉靖末
有兵燹之變祠被賊燬碑離地四尺許石理橫裂斜
倚石垣之上居久之忽自端正意有神物呵護非偶
然也懸榻篇云丹陽人姜志禮字同節萬歷己丑
進士其爲泉州太守時值地震洛陽橋圯過半公鳩
工更理造墩凡三十三經始之際波浸瀟漫公禱于
神潮不至者數日匠師因獲措手其上某石梁舟重

水淺不克致公曰昔蔡忠惠公以八月二十一日安
橋第需之至日有水滔天自東方至舟頃刻濟蓋忠
惠公夙有橋斷我來修之誦衆謂太守公實再來云
泉南雜志按蔡忠惠所自書萬安橋記共一百五
十三言字大方尺分勒二石今在公祠聞之父老言
先時二石爲倭載去後見江間發光揆之得後一石
其前一石乃後人復摸故前石不如後石之瑩潤打
碑時與江濤競響也 泊宅編載泉州萬安渡水澗
五里蔡忠惠造石橋兩岸依山非也余往來此橋及

樵書初編

卷之五

七

按端明自爲記長三百六十丈非五里岸左面山非
依山右則去山尚遠也

蜂兆有吉有凶

朱平潤云凡蜂聚人家者多不和其採蜜者不與焉
謝承後漢書豫章嚴豐字孟侯爲郡主簿太守賈萌
舉兵欲誅王莽有飛蜂附萌車衡豐諫以爲不祥之
徵萌不從果見殺王隱晉書陶侃以袁謙爲高涼太
守未至百餘里浦中有蜜蜂蔽日而下謙船上明早
進西南卒遇大風飛沙天地晦合不得還浦遂沒海
中此蜂之兆凶者也拾遺記云周武王東伐紂夜濟
時雲明如晝入百之族皆齊而船有大蜂狀如丹鳥

樵書初編

卷之五

五

飛集于舟因以鳥畫其旗翌日而梟紂名其船曰蜂
舟魯哀公二年鄭人擊趙簡子得其蜂旗此其類也
爾雅翌云軍行卒逢羣蜂及飛蚤多者必驚於伏藏
之賊狀元考云宣德癸丑溫州守何文淵于明倫堂
集諸生講書有羣蜂擁一巨蜂集楹間聲聞如雷顧
謂諸生周旋曰蜂有巨儒之象來科狀元子必當之
周果及第一斯二者乃武乃文又何蜂之能兆吉
如此哉 湖湘故事云楚王達奉馬氏詔伐吳有蜜
蜂無萬數進達傘蓋後遂戰敗死

濟瀆廟靈異

河南懷慶濟源縣道士宋本澄進紅線線被二花銀
篋一云濟瀆廟池內浮出賜鈔六十錠勞之其池時
浮出銀幣借人如期而還則得利否則祝之不復出
且至虧折矣此名勝志所載也續耳談云濟瀆廟相
傳神通人假貸前後事不一漫誌一二祠前有大池
凡欲假金者禱于神以琰决之神許則以契券投池
中良久有銀浮而出如其數貸者持去貿易利市加
倍如期具子本祭謝而投之銀沒而原券浮出還之

樵書初編

卷之五

七

如人間式亦有中保之人若神不許則投券入水項
之券復浮還牛馬百物皆可假借投之復出故不死
也嘗有不能償者舍其兒以盆盛之投入俄頃盆子
浮起啓視之兒活于中無恙蓋神鑒其誠憫而貸其
債也盆外濕而內乾其他類此甚多予讀書至此而
疑焉夫日中爲市交易而退市道也計之以子母要
之以約質市道之器也胡神人之不憚煩而爲之乎
及閱李濂游濟源池記而始知前所言皆過其實者
也李記云余家去濟源僅三百里數聞人獻香祠下

者云有借貸錢布浮藥以療病之事心竊疑之嘉靖乙巳春三月計當俗所謂朝賜之期乃單騎往觀之州縣獻香紛逕四晝夜叫佛聲響震林谷余既至池上肅謁濟瀆神祠祠後有北海神殿誌謂濟瀆源通北海故祀北海于此或曰以北海遠望而祭之也殿前有池卽浮物之處是謂東池池西有石橋橋之西有池曰西池皆濟水自王屋山頂流入太乙池乃伏行地中東行九十里復見此滙爲三池地志謂東源周迴七百步其深不測西源周迴六百八十五步

樵書初編

卷之五

四

其深一丈合流至溫縣歷號公臺西南入於河自今觀之東池卽東源周僅百餘步亦不甚深西池卽西源周如東池深纔三四尺耳余躬躡王屋山頂觀太乙池亦澗古今變遷乃爾邪正德初楚辰潘君棠理懷慶嘗著辨謂春夏之交泉脉騰沸升發之氣勁疾愈于常時故近投之物或當其衝隨沸而上此理之常無足怪者余坐水殿竟日見布帛桃乾浮在池面者上書姓氏年月亟取視之咸三日內所投者則向所聞浮出遠年之物皆妄傳也又見紙裹成藥浮出

以應人求者上亦有字意神靈爲之必仙書雲篆乃
皆俗筆而服之者亦罔效豈廟中人欲神其說而故
爲之耶又乞嗣者所投銀嬰兒有沉不沉者蓋銀嬰
兒皆空中其製有滲漏者必沉否則浮卽以浮沉繫
之試格他物奚不然乎潘氏謂果水之靈則當不擇
時而施何獨見于春夏之交乎其爲水泉氣盛之所
爲明矣予按獨異志云韓晉公滉鎮浙西威令大行
浙右進錢船渡江爲驚濤所溺篙工募人漉出不得
衆以錢填其數混自至津部視之乃責江神因指其

樵書初編

卷之五

單一

錢曰此錢乾非水中得之者問吏吏其實對復投詞
詆責俄然二緡浮出波上遂以取之各勝志云歐陽
公四歲而孤二親俱墓吉安之瀧岡蓋其考崇公官
于綿而生歐陽子官于秦而歿此越國夫人鄭氏以
其子依叔父官于隨歐陽子年二十預隨州貢二十
四登進士歷任多在中朝及江北年四十六太夫人
卒歸附崇公之兆墓後還潁嘗于青州刻瀧岡阡表
歸舟泊采石夜夢神人從公假觀阡表明日水裂舟
危公悟投碑于江黃山谷爲文誌龍項之靈龜湧碑

出沙溪沼中有龍王點跡數行如錢取置西陽宮爲
亭以覆之後宮火獨亭無恙酉陽雜俎云李彥佐在
滄景太和九年有詔召潯陽兵北渡黃河時十二月
濟南郡使擊冰延舟冰觸舟舟覆詔失李公驚懼不
寢食六日鬢髮暴白乃令津吏不得詔盡死吏懼請
公一祝沉浮於河憑公神明以死索之李公乃令具
爵酒祝詞詰河伯曰明天子在上川瀆山岳祝史咸
秩爾河伯洎鱗之長當衛天子詔何反溺之酹冰辭
已而忽有聲如震河冰中斷可三十丈吏知李公精
誠已達乃沉鈎索之一鈎而出封角如舊惟篆印微
濕耳安有舟覆六日一酹而堅冰陷一鈎而沉詔獲
得非精誠之至乎夫江河與濟並大於域中江可以
浮出緡錢碑版河可以浮出詔紙安在濟不可以浮
出諸物哉江河之靈可以詰責之詞動之則濟之靈
寧不可以要約之券通之乎天下固有理之所無而
事之所有者此類是也冊府元龜云高齊太祖建元
元年郢州監利縣天井湖水色忽澄清出綿百姓采
以爲績湯幢小品云陳高祖生于湖州長興下若里

其宅址猶存去太湖僅十餘里宅有井相傳始生時
井中湧出以浴帝名曰聖井有紅羅浮出焉好事者
屢爲去其翳蔽出之歸震川先生爲令往視作亭其
上勒銘焉又洪武 太祖初生三日宅邊水中浮出
紅羅因名其地爲紅羅障然則水中之浮物多矣不
得以濟瀆廟爲怪也 吳炳龍虎山記云宮南聖井
山有龍潛焉投之金銀輒浮投以楮幣則竟入苟不
虔則推出不納或出數百年物以答人又有余公井
嘉靖戊戌有獻菓禱者乃出布巾裹飯以報名山記

樵書初編

卷之五

聖

云天齊淵在鶴濱縣東南平地泉半畝土人名曰龍
池漢志齊所以爲齊以天齊也顏監曰謂其中有異
如天之腹齊齊記補遺云晏子曰吾聞江漢五里海
溪十里此洞與天齊此中曾浮出鐵瓦有天齊二字
魏永平中出木五齊天保中出木四皆五采類栢木
明弘治辛亥又出香木三焉 朝野記畧云景泰

三年寧德縣旱甚邑民禱雨西山龍湫疏文未善掇
之須臾別浮片紙乃元至正間禱雨文也其詞曰某
等俯陳愚悃仰竇龍顏乞鑒凡心願舒聖眼言念生

居在世治本于農蒙天地覆載之恩感雨露滋濡之德春耕夏耨敢辭塗足之勤秋穫冬藏實切資身之望不期茲歲忽值恒暘爰從九夏之初逮及三秋之始已經六旬不雨忍見千里揚塵石燕停飛商羊絕舞致泉源之旣竭慨旱魃之爲凶知作孽自我愚民故降災寔由上帝爰深修省特致禱祈虔取某日恭詣龍湫恪求聖水願施甘雨頓回天心大放枯苗伏願龍顏大悅賜涓滴于金甌龜坼全消需滂沱于壠畝庸副寔栗之詠預占大有之祥垂祐我民迆續乃

樵書初編

卷之五

四

命衆爲誦之須臾大雨如注又陝西太白山間有龍池遇歲旱有司必于此祈禱乞水一罐意有不誠水自飛上樹來結成冰塊意識則水中浮出物來持物歸候雨足仍納于池成化中西安府同知張侃往乞之水面浮出古銅盆又浮出觀音經其池週四十里四圍奇葩異卉上千雲霄每墮一葉則鴛鴦鳥成對啣出池外不容渣滓于中嘗有大魚通紅者長丈許或二丈者浮遊波面殊不怖人山極高峻官夫以繩牽逐步附之而行約二十里至頂不容肩輿上有神

廟陰颯之氣襲人最有靈爽 劇談錄云咸通中京

城南有三娘子湫與崖相近水波澄明莫測深淺每
秋風搖落未有草木飄泛其上或覩片葉織葦飛鳥
必啣而去祈禱者多致花鈿粉黛及綺羅之類啓視
投之歛然而沒 紀畧又載國初有金箔張者幼多

技能嘗以鄉人不善冶金箔往學於浙之杭州歸而
授諸鄉人因此得名一日經河南濟源其神號靈異
人有乞貸錢物者隨所須浮出水張見之曰是烏足
言神蓋伏機耳歸卽鑿池倣其制爲之已而果然每

樵書初編

卷之五

望

與客玩以爲戲夫伏機于池底而發之則無春冬之
分矣恐未足以破之也又廉頗墓在趙州能出物以
借人凡晏賓客無器用者以雞黍祀之焚其券夜往
取之自金銀磁銅及桌椅之類隨券所書一一可借
晏畢復設奠焚券陳所借物于墓所使人遙守之入
夜皆隱去神怪莫測此又何說哉輟耕錄亦集乃路
有蹇占山北多龍湫土人欲有所事則投之吉矣道
士學仙常至其地見有烹羔桐酪祠焉數皮沉之祝
曰神爲我鞣治爲期而去至期復祠則得成革

火能生物

火爲至燠殺之物無復生氣而張子和云嘗見人家破一鐵釜釜臍中有紅嘴細蟲趨走如飛 周吉甫云嘉靖間金陵三坊巷吳璵開大葷店生意茂盛大鍋書夜火不停燄鍋底忽生一炮有乞食老全真云此鍋旺氣方熾其炮不可動後值爨者慮其費柴鏟去之中有火蛆長二寸許從此其家生道消滅矣

沈約宋志炎州在南海中有狷獮獸人捕之斬刺不傷積薪烈火縛以投火中而此獸不焦 本草綱目

樵書初編

卷之五

燬

載龜有山澤水火四種火龜則生炎地如火鼠類也

武周縣有黃水合火山水有火井火鼠楚經言燈燭燄上別有一種微細衆生吞食其火以爲性命人氣一吹隨吹卽死是故諸佛戒人不得以口氣吹滅燈燭此蟲獸之生于火者也 史異云宋紹興二十

一年民家竈鼎生金色蓮花 錢簡柄繪園云嘉靖

中民人黃瑩家火爐內熾炭中挺生蓮花五朶朶六

瓣中紅外白枝長六七寸曹旭家烹茶爐內亦生蓮

花七朶是庚戌辛亥年間事陳莊靖公女嫁于孫幼

同莊靖佞佛旣嫁持誦益虔嘗設觀音齋萬曆五年
六月十九齋畢焚紙錢于爐灰且冷矣移置佛案之
下爐中忽挺出青蓮花一枝形如菌萐下吐時尚含
翠色如欲滴其下莖微有刺于時中外嫺黨無不讚
嘆三日後爲姪身人觸之而萎 紇野馬川有瑣瑣
木燒之火經年不滅不作炭婦女取其根作帽入火
不燒 建昌南豐縣白含鎮有康太保廟先是土人

謝氏之居冬夜宿火地爐有香菌生火中亭亭如蓋
次夕神見夢曰種菌于爐中者我也子能祠我我當

雅書初編

卷之五

七

福子謝乃徙居爲神立廟 簡栖又云毛桐生浙東
諸山中落其子種之多未必生土人取桐木燒作炭
播之山椒則一炭一株易生如蒲蘆矣又鳳尾蕉以
鐵筍燒紅刺其根則易長此卉冰之生于火者也如
鼯鼠食烟火龜遊燄鰲魚其形似龍性好吞火風生
獸積薪而不燃鴉鳥啄樹而火出獨斗獸如犬食火
而遺燬却火鳥如雀處火而散燄厭火如獮而色黑
火出其口中皆理之不可解者也 耳鼠能食火焰
山啄木能食火炭蜀有火鴉能墮火駝鳥能食火炭

卽火鷄 徐雲林引山海經崑山有鳥如鸚而赤身
白首名曰竊脂可以禦火丑陽之山有鳥如鸚而赤
足名曰馱餘可以禦火崦嵫之山丹木葉如穀實如
瓜赤符黑理食之可以禦火卽公之山有獸如龜而
身首赤名曰蜚可以禦火囂水鯀鯀之魚如鵠十翼
鱗皆在羽端可以禦火翠山鳥多鷗如鵠赤黑兩首
四足可以禦火符禺之山鳥多鷗如翠而赤喙可以
禦火小華之山多赤鷲可以禦火帶山有隴疏如馬
一角可以辟火章義之山有鳥如鶴一足赤文青質

雜書初編

卷之五

異

而白喙名曰畢方見則其邑有譌火解山有獸如膜
大赤喙赤目白尾名移卽見則邑有火已上諸物或
以禦火或以兆火何所稟而然耶 郡國志云宜春
縣南鄉有溫泉泉有魚投以生卵卽熟水經注瀧水
與雲水合處有湯泉泉源沸湧浩氣雲浮以腥物投
之俄頃卽熟其中時有細赤魚遊之不爲灼也又廣
州城東南火湧泉出石罅中大如濤湧前去二十餘
里有湯泉能熟生物每霜雪時泉氣上蒸泉中時見
赤魚游泳人不能獲 後漢梁冀以火浣布爲衣會

賓客爭酒佯失盃而污之解衣付于火燃之如灰垢
盡火滅燦然潔白魏文帝不信有火浣布著論辟
之後外邦有貢火浣布者試之誠然乃毀其論按火
浣布有二種俱載于正史今詳之 魏書南荒之外

有火山長三十里廣五十里其中皆生不燼之木晝
夜火燒得暴風不猛遇暴雨不滅火中有鼠重百斤
毛長二尺餘細如絲可以作布常居火中色洞赤時
時出外而色白以水逐而沃之卽死績其毛織以爲
布 斯詞國有火洲在南海中其上有野火春夏自

樵書初編

卷之五

異

生秋冬自死有木生于其中而不銷枝皮更活秋冬
火死則皆枯悴其俗常冬採其皮以爲布色小青黑
若塵埃污之便投火中則更鮮明 南史扶南國東
界卽大漲海海中有火洲其上樹生火中洲左近人
剝取其皮紡績作布以爲手巾與蕉麻無異而色微
青黑若小汀則投火中復更精潔作燈炷用之不知
盡按此布出于木皮者色青黑出于鼠毛者色白也
宋滕景直家廣中炊釜有聲如雷霆家人走視甌
上生花漸長如蓮花赤色俄頃卽萎景直旬日卒

闈題定數

棘闈試題甚闕多有小房師各拈數題大主考合闈而得之卽在本主師未能懸擬乃亦有一定之數可
以前知數定而天弗違之甚可怪也宋孔平仲談苑
云學士王汾字彥祖自言初到南省試天子全玉賦
夢中有人告之曰天字在上不順天字在下則順矣
須三次如此是歲省下第後過省乃嚴父莫大于配
天賦及第乃圓丘象天賦又二十七年自嶺南雷州
召爲館職試明王謹于尊天賦凡三次題目皆天字

樵書初編

卷之五

五

在下 又宋張世南遊宦記聞云先伯大正字汝弼
登淳熙丁未第初隆興乙酉詣鄉舉時主司命題云
平康正直強弗友剛克爨友柔克沉潛剛克高明柔
克已而春官失利夢神人告曰汝若再遇四克始能
有濟自以爲經旨中別無四克矣淳熙丁酉再試題
云撫于五辰庶績其凝無教逸欲有邦兢兢業業一
日二日萬幾揚中過程三畏字景宣厲聲曰汝弼可
賀矣不記向時之夢耶今果有四克是年遂再薦景
宣爲解首 彙堅志撫州后土祠靈響昭著宜黃士

人鄒拯未及第時致禱求夢夢入廟瞻敬畢轉盼東壁大書一詩睨而讀之既覺歷歷能記其詩曰天道本無成明從公下生溫黃前後並黑闇裏頭行後以治平三年鄉薦賦題曰天道無爲而物成次年省試題曰公生明焉列坐之次溫州人居前黃州人居後時亮陰罷廷對始驗前詩二聯之意焉 萬歷年間桐城吳公應琦以甲午登賢書計偕至臨清聞降乩仙者甚靈趨候之曰某此行登會榜否曰不知曰然則何年登會榜耶曰不知又問不登會榜終作何官

樵書初編

卷之五

十一

曰不知曰某聞仙示頗靈顯故竭誠叩可無一言見示乃書曰不知不知又不知好把中庸仔細推老老幼幼平天下此是男兒得意時及甲辰科應琦捷禮闈其首題爲不知命全章則三不知在焉次題爲極高明爾道中庸三題爲老吾老以及人之老幼吾幼以及人之幼治天下可運之堂上豈題目于十年前可預定如此耶 萬歷丁未科人有叩乩仙以會場題者批云丈人章衆曰必君子之仕也行其義也二句矣再叩第二題批云亦丈人章衆一闕而罷後首

題果然次題爲君子依乎中庸蓋文人章註中有是以依乎中庸者爲難一句也今康熙己酉科予郡袁公顯襄叩乩仙問今科浙江場中題目批云不可語曰然則終無一言耶曰題目卽在不可語上曰乞明示之則批一署字又曰主司意重知及入場則知之者一節乃在不可語上一章之上四者字爲署袁公因念重知一語遂縱筆成篇果獲雋 胡元瑞甲乙剩言云萬曆乙未春試前一日忽夢見冕服一人坐殿上召予入試旣入則先有一人在坐者呼之曰易

水生未幾殿上飛下試目一紙視之有晉元帝恭默思道七字翻飛不定余與易水生爭逐之竟爲彼先得旣覺而爲不怡者久之及入會場第一題是司馬牛問仁章始悟所謂晉元帝者晉姓司馬元帝是牛金所生以二姓合爲司馬牛也恭默思道是謬言意耳及揭榜湯賓尹第一蓋以易水二字爲湯也 前定錄云李相國揆以進士調集在京師聞宣平坊王生善易筮往問之王生每以五百文決一局而來者雲集自辰及酉有空反者揆持一繖晨往生爲之開

卦曰君非文章之選乎當得河南道一尉揆負才華不宜爲此變色去王生日君無快快自此數月當爲左拾遺前事固不可涯也揆怒未解生日若果然幸一枉駕揆以書判不中第授汴州陳留尉始以王生之言有徵後詣之生于几下取一緘書可十數紙以授之曰君除拾遺可發此緘不爾當大咎揆藏之既至陳留採訪使倪若水以揆才華族望留假府職會郡有事須上請擇于中朝通者無如揆乃請行開元中郡府上書姓李者皆先謁宗正時李璆爲宗長適

遇上尊號揆既謁璆素聞其才請爲表三通以次上之上召璆曰百官上表無如卿者朕甚嘉之璆頓首謝曰此非臣所爲是臣從子陳留尉揆所爲乃召見揆命宰臣試文詞時陳黃門爲題目三篇一曰紫絲盛罽囊賦二曰答土蕃書三曰代南越獻白孔雀表揆自午及酉而成既封請曰前二首無所遺恨後一首有疑願得詳之乃許拆緘塗入字旁註兩句封進翌日授左拾遺旬餘發王生之緘視之三篇皆在其中而塗注者亦如之訪王生竟不見矣觀此則文

章竟可前定而添注塗抹亦有數存則題目之前定
又不足爲奇也 懸榻篇記云近年來山左有李神
仙者以術數遊京師頗能知來事庚子北直鄉試有
兩生從占得失且密以試題詢李謝不知但笑曰兩
公皆道德仁義中人也無庸卜及入試首題則志于
道全章所謂道德仁藝者實隱寓其字而兩生皆中
式辛丑會試又有以場題餽者李曰此何敢言但題
中當有五後字四可字他日或驗耳其場中首題乃
知止而後有定一節果有五後字二題乃夫子之文

樵書初編

卷之五

五

章一節三題乃易其田疇二節果有四可字乃嘆其
異又樵川諸生吳君善乩仙之術順治丁酉督學歲
試將臨樵數友問場中何題則書曰尹字帶兒孫心
一且題或近此衆不測復問二題何題倘經乎書曰
否否否諸生皆喜謂非經比入試首題是得見君子
者斯可已搭至得見有恆者斯可已乃知尹帶兒孫
寓君子字心一且寓恆字二題是樂正子強乎曰否
三段乃知否否否者寓三段中三否字也同時武學
諸生亦請問試題仙書四語曰二人並肩不缺一邊

立見其可十字撇添生茫然及入試論題乃天下奇才四字始悟二人並肩天也不缺半邊下也立見其可奇也十字撇添才也不獨前知之神拆字奇巧雖與黃絹幼婦三橫兩縱之語並存千古可也 相傳何公早南直懷寧人早初生時其父夢門前豎一綽模上寫吾未見好仁者一章未解所謂第誌其事于壁已而早以蓋有之矣吾未之見也一節題入泮以有能一日用其力于仁矣乎一節題中式丙午鄉試以吾未見好仁者全章中式癸丑會試平生得力果

全在此一章書 先君于萬歷丙午科科試冠軍補廩入場先是有請乩仙問是科題者批云子路十三章先伯玉衡公亦與試性穎悟解之日此必非先勞一章必是子路問成人一章也予以憲問十四內數之自憲問耻至問成人正一十三章耳且予曾問于乩仙批云子今有志問功名丙午之年亦可成回知必成人章耳已而出題果然

入水卽乾

石脾入水卽乾出水卽濕或曰夫出水卽濕吾得而見之矣入水卽乾其誰見之考之本草別錄曰路石一名陵石草生石上天雨獨乾日出獨濡花黃莖赤黑三歲一實赤如麻子五月十月采莖葉陰乾是則天下固有遇水而反乾之物此則灼然可見者也

杜麻草見日則濕入蔭則乾路石草實赤如麻子意卽杜麻乎 神異經荒外大山生不燼之木晝夜火然得暴風不猛猛雨不滅 酉陽雜俎云雀芋狀如

樵書初編

卷之五

五

雀頭置乾處反濕置濕處反乾飛鳥觸之墮走獸遇之僵

感應經名
蕉毒草

宋臨川吳曾能改齋漫錄云建炎

四年五月楊勅叛卒由劍安寇延平道出小當村掠一婦人逼脅欲犯之婦人毅然誓死不受汗遂遇害橫屍道旁賊退人爲收瘞之而其屍枕藉處痕迹隱然不滅每雨則其迹乾晴卽濕宛如人影或削去之隨卽復見覆以他土其迹愈明此乃正氣所不磨亦復雨乾而晴濕何耶 名勝志騰越州羅生山上有天應寺殿堦片地雨則曠晴反濕 閩書同安縣志

洲嶼寶月菴旁有石如盤俞武襄大猷作亭望海
頭有島天將雨則明現晴則日光晶晶反隱不見名
其島曰變山 名山記冰山在慶尚道義成縣大巖
下有石穴是爲風穴又有穴在巖底直下廣一尺深
可量十一尺其下回曲溪淺難量立夏後冰始凝極
熱則冰堅靈雨則冰釋春夏不寒不熱冬則溫氣如
春是爲冰穴 拾遺記古之圓山有林木焉疾風震
地而此林木不動以其木爲慧故曰靜瑟獨活草有
風不動無風自搖 又通志畧云無風獨搖草頭如
彈子尾若鳥尾兩片開合見人自動 拾遺記李夫人死後漢武帝欲見之李少君曰黑海
北封都之野出潛英之石其色青輕如毛羽寒盛則
石溫夏盛則石冷刻爲人像神悟不異真人乃求得
之命工刻作夫人形置之幕裏宛若生時帝大悅欲
近之少君曰此石毒可望不可近也

撒珠撒銀錢

宋史明道二年注輦國遣使朝貢進珍珠衫帽等物使言願將上等珠就龍床脚撒殿頂戴瞻禮以申嚮慕之心乃自捧銀盤升殿跪撒珠于御榻下而退以堂堂天朝而幾與戎蠻爲戲甚非大體清波雜志祖母太夫人爲曹武惠燕王五世孫服日與子孫談京都舊事政宣間以戚里數值誕皇子入宮稱賀盛飾羣立于露臺人各許携一從婢起居畢自殿陛下撒包子及成束金釵金銀俾衆婢爭奪或共得綵端

樵書初編

卷之五

五

卽裂爲二俯拾次多遺簪珥之屬殿上觀之爲笑樂有捷慧者重負而歸亦有徒手無一物者此朝廷與命婦爲嬉娛也雲仙雜記云唐玄宗于正月十五夜御常春殿張臨光宴白鷺轉花黃龍吐水金鳧銀燕浮光洞攢星閣皆燈也奏月光曲又撒闔江錦荔枝千萬顆令宮人爭拾多者賞以紅圈被綠暈山焉明通記云天順間帝頗聲色奢侈常以銀豆金錢撒地令宮人及宦侍爭拾爲闕笑編修楊守陳賦銀豆謠以諷之客燕雜記云往時宮中出遊西苑

有大要外小要外之名賞賜無算臨晚用金銀豆酒
地聽內豎拾取爲笑樂崇禎間悉罷之易以胡桃紅
棗等物 酌中志云萬歷末年宮中偶興掉讀作料城
之戲于御前十步外界畫一方城于城內斜正十字
分作八城挨寫十兩至三兩止令司禮監掌印掌東
廠秉筆及管事牌子遞以銀豆葉八寶授之落于某
城卽照數賞之若落逆城外及壓線者使收其所擲
焉至戊午遂有撫順開原之失亦其兆也此朝廷與
官嬪內侍爲嬉娛也 文館記唐景龍四年清明中

樵書初編

卷之五

五

宗幸梨園命侍臣爲拔河之戲以大麻繩兩頭繫十
餘小索每索數人執之以挽力弱爲輸時七宰相二
駙馬爲東朋三相五將爲西朋僕射韋巨源少師唐
休璟以年老隨繩而踣久不能起帝以爲笑樂 杜
牧之退宮人詩云開元皇帝掌中憐流落人聞二十
年長說承天門上宴百官樓下拾金錢 長安客話
云景泰初開經筵每講畢命中官布金錢于地令講
官拾之以爲恩典時高毅年六十餘俯仰不便無所
得他一講官常拾以貽之據宣德中李時勉爲侍講

學士一日 宣宗懷金錢至史館撒之于地令諸講
官拾取時勉獨正立乃呼至前賜以袖中金錢則金
錢之事其來已久蓋大臣位文武之極講官有師傅
之尊踏絙頓地俯仰拾錢褻體甚矣 雲仙雜記云
唐李少微子女頗多每朝退于亭榭散槐膠彈子數
百枚令諸小兒爭取之以爲戲笑終日不倦戲已復
收于篋此則儉嗇而娛其歲年者也 又云洛陽人
有妓樂者三月三日結錢若龍爲簾作錢龍宴四圍
則撒珍珠厚盈數寸以斑螺令妓女酌之仍各具數

樵書初編

卷之五

本

得雙者爲吉妓乃作雙珠宴以謝主人斯其爲娛樂
者奢華之極不可以爲繼亦恐造物鬼神或窺之矣

唐高宗咸亨三年太子宏因宴集命官臣擲倒次
至左奉裕幸王及善及善曰擲倒自有伶官臣若奉
令恐非所以羽翼殿下也太子謝之上聞賜及善縑

百疋尋遷左千牛衛將軍 注擲掉倒介也猶相撲 元氏掖庭

記云至大中洪妃寵于後宮七夕諸妃嬪不得登九

引臺 臺乃後宮乞巧之所 臺上結綵爲樓妃獨與宦官數人升

焉剪綵散臺下令宮嬪拾之以色麗淡爲勝負次日

設晏大會謂之鬪巧晏負巧者罰一席 瑯環記七

女徐婕妤雕鏤菱藕作奇花異鳥攢于水晶盤以進

極其精巧上大稱賞對之竟日喜不勝至定昏時上

自散置宮中地上令宮人暗中摸取以所得多寡精

粗爲勝負謂之鬪巧 泉志云按舊譜撒帳錢徑寸

重六銖肉好背面皆有周郭其形五出穿亦隨之文

曰長命守富貴背面皆爲五出文若角錢狀景龍中

中宗出降睿宗女荆山公主特鑄此錢用以撒帳勅

近臣及修文館學士拾錢其銀錢則散貯緡中金錢

樵書初編

卷之五

李一

每十文卽繫一絲條其最近御座者所獲居多有學

士考功員外郎武平一旣出逢韋巨源蘓味道各執

平一將在燭下云員外是僕射省主欲有何取以手

探平一懷中盡而後已 先叔祖馬湖公作旂祖姑

無爲心禪師傳師幼許字湯氏子湯歿不受他聘雅

修淨業竟從剃染一日豁然大悟神通妙用成化中

以妖人之亂徵天下有道術者有司敦遣入京中孝

肅太后引見尼僧手擲金豆師獨岸然不動凡宮人

有疾病以手摩掌之卽愈孝肅贈以經爲師號

草之有寶者

韓保昇云馬齒莧有二葉大者不堪用葉小者節葉間有水銀每十斤有八兩至十兩已來然至難燥當以槐木搥碎向日東作架晒之三兩日卽乾如隔年又續隨子莖中有白汁可結水銀 博物志云積艾草三年燒津液下流成鉛錫已試有驗 庚辛玉冊曰透山根似蔓菁而紫含金氣石楊柳含銀氣馬齒莧含汞氣艾蒿粟麥含鉛錫之氣酸牙三葉酸含銅氣 雲仙雜記云山上有葱下必有銀有薤下必有金有薑下必有銅錫山中有玉者木旁枝下垂謂之寶苗 儲泳袂疑云荷葉有水銀 酉陽雜俎云椒可以來水銀故曰椒目可以來瀕

草木能奪天工

淮南子萬畢術云桐木成雲注云取十石甕滿以水置桐其中蓋之三四日間氣如雲作 相感志云楓

上有寄生枝高三四尺生毛一名楓子鬼天旱以泥

封之卽雨又注風楓賦云楓木葉厚無風自動天雨

卽止 爾雅翼云天之將雨檉柳先知之起氣以應

故名雨師 十洲記云胥池寒國有發日樹日從雲

出雲來掩日風吹樹枝拂雲開日光也 類林南海

有草叢生如蔓土人視其節以占歲之風每一節則

樵書初編

卷之五

奎

一風名曰知風草 南方草木狀云寧浦有牡荊指

病自愈節不相當者月暈時刻之與病人身齊等置

牀下病雖危亦無害也 本草云茈葫出銀州銀縣

西畔生處多有白鶴綠鶴于此回翔是茈葫香直上

雲間若有過往聞之者皆氣爽也又降真香燒之則

羣鶴至 麻黃生于中牟雪積五尺有麻黃處雪則

不聚此藥能通內陽氣却外寒也 蒼百莖共一根

其所生獸無狼虎蟲無毒螫又曰上有叢蒼下有神

龜蒼生滿百莖者其下必有神龜守之其上嘗有青

雲覆之 感應類志云胡桃之券令鷄夜鳴蓋以胡
桃樹東南枝劈之書券字訖遶之于鷄栖下則夜鳴
不止 史記有蒼雲圍軫軫楚之分野是不善之徵

楚太史唐勒乃夜以葭灰遺于地乃更滅拂之其蒼
雲爲之半滅故曰蘆灰投地蒼雲自滅 感應志云

以榆化

疑是
花字

灰置幽室中天若將風則灰皆飛揚

取迴風草插頭上令人顧見四戶之事迴風卽旋風
也 卜宅書云栗木爲關可遠盜青楊木爲床可驅

蚤 談薈云天名精能起旣剖之鹿蛇脚草能續已

樵書初編

卷之五

寄

斷之指 門冬赤黍薏苡爲丸令婦人不妬 橄欖

爲楫撥魚則浮 風生獸死後向風便活以石上莒

蒲塞鼻則死 橫公魚刺之不殊以烏梅二枚煮之

則死 桐花飼猪肥大三倍 園圃四旁種決明草

蛇不敢入以胡麻 麩啖犬則光黑而駿使獵必大獲

狐兔兼得三十餘歲 椒目可以來瀕構波可以膠

丹堊灰可以鎔銅 地榆金鹽可以煮石皂莢碎鐵鳧

茨腐銅修天拒火 紫背制金 竹譜云永嘉大羅山

有龍牙竹長四五尺稀節人取必有大風雨雷電人

下山則安 物類志曰護門草出常山取置戸下或有過其門者草必叱之一名百靈草王筠寓直詩霜被守宮槐風驚護門草 通志畧云蔣士先得疾下血言中蠱家人密以蘘荷置其席下忽大笑曰蠱我者張小也乃收小故以此爲治蠱之最 蘇東坡曰海南產益智花實皆長穗而分爲三節其實熟否以候歲之豐凶其下節以候早禾其上中亦然大豐則實凶歲則不實罕有三節並熟者其得益智之名豈以知歲耶 詞林海錯云黃精一名土竹服其花勝樵書初編 卷之五 奎

實服其實勝根有黃精處必有黃雲時起 茯苓萬歲則其上小本狀似蓮花名曰威喜 栲樹一名狗骨又名枳栲能令酒味薄若以爲屋柱則一屋之酒皆薄

鳥獸蟲魚能奪天工

燕能興波祈雨故有游波之號 鼉能吐霧致雨

鴟鳴則大風 夔堅志劉居中見蜥蜴大者百枚在

山中長三四尺光膩如脂吐雹如彈丸俄頃風雷作

而雨雹也宗奭曰有人見蜥蜴從石罅中出飲水數

十次石下有水雹一二升行未數里雨雹大作故今

人用之祈雨 劉法師嘗在龍興府西山見許多蜥

蜴如手臂大一日無數入井中飲水皆盡卽吐爲雹

又嵩山有大蜥蜴數百能吐雹 淮南子云朱鬣浮

樵書初編

卷之五

亥

波必有大雨 李時珍云鸛鳥仰天鳴號則大雨至

人撰巢取鸛子六十里旱能羣飛激散雨也俯鳴則

陰仰鳴則晴 鸛鵲羣繞旋飛謂之鸛井必有風雨

鸛井可對蟻封凡蟻封戶天將大雨也鸛有長水石

故能于巢中養魚而水不涸 又墨子云以丁卯日

或乙卯日燒三雉羽揚其灰風立至若風止又燒黑

狗皮揚灰大風立起 一云黑犬皮灰止風 一云黑犬

皮灰起風此必有一訛矣 本草綱目引感應志云

五酉日以白鷄左翅燒灰揚之風立至以黑犬皮毛

燒灰揚之風立止 狼糞爲烽燧大風不折 江狔
入火藥逆風不回 鶩驚鬼 鵙鵲厭火 孔雀辟
惡 鵠鵠能勅水故宿水而物不害 啄木遇蠹以
嘴畫字成符而蠹自出 鵲有隱巢木鷺鳥不能見
鵲鳴在上蟬反不行 燕銜泥避戊巳日則巢固而
不傾 燕惡艾雀欲奪其巢則銜其中 鶩飛則蟻
沉鳴鳴則蛇結 竹鷄自呼泥滑滑者是也白蟻聞
其聲則化爲水或曰白鷄之雄亦能化白蟻故陶隱
居言學道之士居山宜養白犬白鷄可以辟邪 埤
雅云螭者蛇屬潛于神淵能興風雨淮南曰儀牛粹
毛宜于廟社于以致雨不若黑蜮又騰蛇龍類有鱗
無足能興雲霧而遊其中其行千里因風而化 鵠
毒鳥也雄名運日雌名陰諧天晏淨無雲則運日先
鳴天將陰雨則陰諧鳴之淮南子所云暈日知晏陰
諧知雨也食蝮蛇及椽實知巨木大石間有虺蛇卽
爲禹步以禁之或獨或羣進退俯仰有度逡巡樹石
爲之崩倒虺蛇無脫者昔有人入山見其步法歸向
其妻學之婦正織而機翻或曰取虺蛇時呼同力數

卜聲石起蛇出江東人呼同力鳥或曰禁蛇之聲如
以手搭腰鼓大率蛇入口卽爛矢溺着石石爛如泥
一說矢着石卽變爲雌黃及生金 本草云鵬鳥能
翺翔水上扇魚令出沸波攫而食之淮南子曰鳥有
沸波者河伯爲之不潮畏其誠也 談蒼云螳螂之
氣含之出火蚯蚓之塵背之起霧 取玳瑁甲帶左
臂若飲食中有毒甲自搖動 伏翼之血滴眼見夜
中物 鸚鵡目睛和人乳滴眼中能見烟霄外物
蒼鷹之睛注眼見碧霄外物 猴孫毛置之網四角

則多得魚以鹿胎香懸餌下網則萬魚畢聚 象胸
前橫骨灰之酒服令人能浮水出沒 丹魚之血塗
足底可行水上 狒狒血飲之可以見鬼 鷓鴣頸
血塗鷄頭鷄不能起 僵蠶末塗馬口不能嚙人亦
不能食草豆 犀角置狐穴中狐不歸 鮭魚塗樹
立致焦枯而灌以犬膽榮盛如故 牛膽塗熟釜釜
卽鳴 五月五日取蠅虎以刺血用硃砂和牛半脂
食之令具腹赤乃取爲末少許塗處女臂卽有文章
揩拭不去男女交其文卽滅此東方朔法漢武以驗

宮人故曰守宮也 倭蚌之淚作書晝隱而夜見烏
鰕之墨寫券誓明而久滅蜃脂和蠟爲燭其烟上成
樓臺 雷獸骨擊鼉鼓聲聞五百里 海鵝風伯使
白袋雨師奴 數丸競搏土作丸滿三百而潮至

拾遺記云淵洞有魚長千丈色斑尾端有角噴水爲
雲輪困五色 鷗頗知風雲若羣至岸必風漁人以
爲候 漢書音義曰飛廉神禽能致風氣有角有蛇

尾文如豹文武帝作觀於于長安上有銅飛廉因名
飛廉觀 大清外衍言蓄蠱之家鷄輒飛去五行志

樵書初編

卷之五

五

雄雞毛灰着酒中飲之所求必得 狔將風則踴鼉

欲雨則鳴蠨飛磴則天風春則天雨 暮鳩鳴卽小

雨朝鳶鳴則大風 鵠水鳥天將雨則鳴鵠鵠鳴則

天當大雪 海螺鳴主大風螺吐光主陰雨 李時

珍曰術家言蚯蚓可興雲又知陰晴故有土龍龍子
之稱蓋蚓雨則先出晴則夜鳴 螢火懸網中能多

聚魚古人製螢火丸服之能辟刃矢 東海魚獸似

猪名魚狸皮乾燥爲弓韃矢服經年海水將潮天將

雨其毛皆起水潮退天晴如故 麒麟闕而日月蝕

天中記鵲巢取在樹枝不取墮地者又傳枝受
卵端午日午時取其巢灸病者立愈又鵲腦令人相
思取鵲一雄一雌頭中腦燒于道中以與人酒中飲
之則相思讀史事實云宋神宗慶歷八年四月十
日生子濮王宮羣鼠吐五色氣成雲木像擊弓射之即

卒行人及

留詩曰
云乘照海

書初編

卷之五

七

天宮大雪 海螺鳴主大風螺吐光主陰雨

日坐于殿王宮奉獻也正會兼知雲晴故有主龍

之預林思 蘭史事實安宋帳宗魂超人平四民十

思鬼饋一舉一翻題中飄飄筆巖中風與人醉中

與誰子日平親姐其巢灸諫書立愈又饋灑令人醉

天中記鵲巢取亦樹林不取墮此皆又鵲焚

土木之像能神

神鬼之附麗于土木像以降言禍福而坐享血食者
往往有之然不過附麗之耳若土木之像而自能神
則尤可異焉 搜神後記云孫恩作逆時吳興紛亂
一男子忽急突入蔣侯廟始入門木像彎弓射之卽
卒行人及守廟者皆見 留青日札云嶧縣清風祠
藏倭寇四百餘人官兵圍燒殿宇不燃當門弓弩雨
注而烈婦神像無一鐵犯及遂乃束手就戮如有神
助者此則節婦正氣之靈也 太平廣記引神鬼傳

樵書初編

卷之五

七

云曲阿當大埭下有廟晉孝武世有一逸劫官司十
人追之劫竟至廟跪請求救許上一猪因不覺忽在
床下追者至覓不見羣吏悉見入廟又無出處因請
曰若得劫者當上大牛少時劫形見吏卽縛將去劫
因云神靈已見過度云何有牛猪之異而垂前福言
未絕口覺神像面色有異旣出門有大虎張口而來
逕奪取劫前去 宣室志云初唐有神像云周隋間
有術士範金成之天后朝因命置子宮中屬其殿宇
甚嚴玄宗幸其殿啓而觀焉時肅宗在中宮代宗尚

稚俱侍上高力士曰此前代所制可以占王者在位之年其法當厲聲叱之苟年甚永則其像搖震亦久不然一撼而止上卽嚴叱之其像若有懼搖動移時仆地上喜力士因再拜賀上卽命太子叱之其像微震又命王孫叱之亦動搖久之上曰吾孫似我其後玄宗在位五十載肅宗在位凡六年代宗在位十九年盡葬其占也 劉楚記曰歲乙巳饑而多虎夜則

盜相迹于途安成山氓有忿人盜已蔬者以里祠之神類能威殛人也亟迎至而露禱焉曰必得盜見乃

歸否則暴露耳其神固木偶大小長短畧與人等又衣真絳衣大冠儀狀儼赫旣數日矣方夜半月朗朗在地門外勃率有聲其人以爲必盜至也從壁隙覘之見一虎至神所以爲人也曳尾睚眦旁徨左右欲却欲前者數四乃稍迫近對踞注視久之忽風颺神襟若將起而動者虎直前奮攫之嚙其首始偶人刻桐爲之桐木柔脆歲久且枯遽飲虎牙至膠其兩齒不得吐嗑虎搖首振脰跳擲求解不可益駭怒卒踐蹙頓掉左右揮拉始得脫乃去次早里人聚觀見偶

人狼藉道上無完膚方疑神向威靈何遂至此其家
故畜豕不數日虎復來伺夜躍入垣內有虛窻伏牢
側虎失足陷窻中咆號騰躍窮蹙不得上衆急聚挺
刃擊死叩首謝神曰吾神固聰也相率昇虎祭神食
之更刻木爲神軀益製美衣歸神于祠盜亦遠絕

徐仲光神籤記庚辰夏徽某鄉有不孝子王某父早
喪僅一老母婢畜之每晨擁妻酣臥役母使炊俟熟
乃起小不如意恣口誚罵生一子甫數月母抱之視
沸釜兒忽騰跳墮釜中母卽潛竄不孝子聞見叫起

樵書初編

卷之五

七

視已死大恨曰媼殺我子捫厨得刀逐出離家百武
有關帝廟母見不孝子至閃入廟伏神座下不孝子
撚刀入忽帝旁周將軍像從座躍下捉刀砍不孝子
正中其項廟祝聞刀聲錚然趨出則不孝子流血滿
地而周將軍一足尚在門限外未入母具述其事遠
近喧傳周將軍靈爽以金重裝其像足仍門外如故
謝肇淛塵餘吳人丁應泰爲休寧令休寧民逐虎
入古廟中見土偶巋然以爲人攫之偶臨而折虎腰
虎斃翼日聞于丁命播之歌謠以爲異政所致

人聲屬火

洪範之五行以言配火則人之聲原屬火也予考記籍所載凡水得人聲則溫熱者愈溫熱騰湧者愈騰湧豈非水得火而相激致然乎錄異記云岐府西隴州路七十餘里而有魚龍洞洞中有石或大或小隨水流出破之石中皆有魚龍形人過洞前並不敢語語者便聞風雷之聲立至驚懼奔走云物理小識韋莊峽程記言急流有漩緩棹隨漩乃得出不與水爭爭則舟埋水矣海舟人言用蘆席稿鋪之物投漩漩

樵書初編

卷之五

七

卽緩可出若歸墟大漩寬數百里者不可聞聲聞聲則船不可救沮陽城大翻小翻山有溫湯下足便爛不得言言則愈熱郝郊入蜀記云巴縣不語灘險甚舟過戒人言言則水勢噴矚不語則平易林水錄云溫水出竟陵之新陽縣東澤口口徑二丈五尺垠岸重沙端淨可愛靜以察之則淵泉如鏡聞人聲則揚湯奮發無所復見矣其熱可以燻鷄洪濶百餘步冷若寒泉記義云宣城縣蓋山有舞水聞人歌湧出論衡云夫毒太陽之熱氣也鳩蛇治焉巴

豆皆生南方熱氣所鍾也太陽火氣常爲毒也五行
二曰火五事二曰言言與火直南越之人視禁輒效
口舌爲毒也 一統志云太白山在西安府武功縣
南九十里山極高上恒積雪望之皓然諺云武功太
白去天三百山下軍行不得鳴鼓角鳴則疾風暴雨
立至上有洞卽道書所謂第十一洞天也 四川志
云西陽宣撫司北百里有胡子崖下有孔道行者過
此而渴四顧無水土人高聲呼曰婆婆資水來初呼
一聲崖上水滴一點再呼滴數點呼三五聲其水如
樵書初編

卷之五

七

壺中傾下注于崖下石盤中量定幾人足用卽止至
今如常 宋王鞏見聞錄云夔峽將及灩澦堆峽左
岩上有題聖泉二字泉上有大石謂之洞石而初無
泉至者擊石大呼則水自石下出予嘗往焚香俾舟
人擊而呼之曰山神土地人渴矣久之不報一卒無
家室復大呼曰龍王龍王萬姓渴矣隨聲水大注時
正月雪寒其水如湯或曰夏則如冰凡呼者必以萬
歲必以龍王而呼之則水于是出 壽州有咄泉人
至其旁大叫則大湧小叫則小湧咄之則湧彌甚又

有撫掌泉聞擊掌之聲則湧沸無爲州有笑泉湧出
石底人有笑聲泉卽滾沸 名勝志云蜀馬湖府屏
山縣有雷番山隋史萬歲南征過此書雷番山三字
鎮于石壁山中有毒經過牲畜必籠其口行人亦須
緘默若或吐聲雖冬月必起雷霆 又云嘉容泉一
名珍珠泉此泉在平壩衛西南十里冬溫而夏清容
至語笑明珠翠玉纍纍而沸風恬日霽清瑩射目容
語在左則左應在右則右應衆寡亦如之否則已殆
如酬酢因名之曰嘉容泉 壽州北三里有珍珠泉

樵書初編

卷之五

五

淮南王鍊丹之所早燠不竭每聞人聲則珍珠湧集
或呼爲噉泉 又呼應泉在龍里衛俗名叫水泉脉
淤滲不見呼之則湧出僅足掬啜復涸雖日百呼皆
應亦甚異矣 宜興張公洞中石乳萬株異形詭狀
不可摹繪時有泉下滴人默承之出洞衣潔如故稍
有言其滴處遂痕歸必浣滌 江西武功水獨源其
顛瀕瀆噴沫如芙蓉發榮聞人語則愈益溢出 龍
虎山水簾洞岩有祖天師煉丹爐其濯丹池萃日月
變化之氣水自岩數百尺噴洒若珠簾玉箔人嘯泉

下則水辟易其處 襄陽府南漳縣雙池寺內人于
池旁蹴噓則四圍水湧躍如珠 歐陽公與梅聖俞
登嵩頂至武后封禪處見有石記戒人遊龍潭者勿
妄語笑以瀆神龍龍怒則有雷 胡直云峨眉雷動
坪相傳雷神居其下一聞人語鼓吹聲則雷大作道

有禁語古鐵碑二富好禮云相傳人至此語則雨予
試之語則霧雨徐來巾裳沾濕空翠滿身須臾轉勝
入十四盤則又豁然開霽 犀泉在廣西富川縣東

北泉藏坎中坎在平地溪約丈許長不下三四尺橫

樵書初編

卷之五

七

可七八尺上覆綠樹下列蒼崖始至見之坎石甚乾
人呼則出不移時水滿涸亦可待冬夏呼之水至皆
然其靈異如此 桂平縣白石山有泉曰漱玉始流
微細鳴鐘鼓則泉湧 和曲州武陵洞夾西山中深
不可測內有流泉石人石獸以火燭之不敢語語則
雷雨輒至 江西通志云玉山縣柳居山其石有古
井一泓神龍所潛歲旱禱之多應井後有石崖壁立
遇人有語聲激之則有泉迸出如瀉 西寧衛有泉
聞人足音卽沸

句容茅山有喜客泉客至則湧出故名又有撫掌泉
聞擊掌之聲則沸 湖廣歷城縣有溫泉在京山上
淵靜如鑑聞人聲則揚湯奮發 澧州西有雙泉二
泉相近其水常湧聞人聲則怒濤異常 荆南志華
容有方臺山出雲母土人採之候雲所出處掘取無
不獲者當掘時忌有人聲不則所得粗惡

植物而兼動物

草木之類植物也。蟲豸之類動物也。植物無精無性，動物則有血氣，知覺兩不相蒙。然譚子所謂無情化，有情如朽麥化蝶，朽草化螢，朽瓜化魚，稷米爲鯽，芋根爲鯢之類，不可得而究其理焉。交州記古度樹，不花而寔寔從皮中出，大如安石榴，色赤，可食其實，中如有蒲梨者，取之爲粽，數日不煮，皆化成蟲，如蟻穿皮飛出，着屋正黑，又有獨脚蟻，亦連樹根不能搖動。物理小識云：蠅蜂生南海陽春，附橄欖樹，雖有手

樵書初編

卷之五

七

足與木葉無異，鳴則自呼，取者候樹葉凋而得之。志曰：土人藏于笥篋中，以聲之清濁卜禍福，或云遇蟲，毒必鳴焉。酉陽雜俎云：百合花盆之泥，其隙經宿化爲大蝴蝶。嶺南毒菌，夜明經雨而腐化爲巨蜂，黑色，喙若鋸，長三分餘。大和中，田在實過蔡州北，路側有草如蒿莖，大如指，其端聚葉如鷓鴣巢，在顛拆視之，葉中有小鼠數十，纔如皂莢子，目猶未開，啾啾有聲。又大麻，蠅茅根所化。秀才韋鄂庄在杜曲，常冬日掘樹根，見復蟬未蛻時，附于朽處，怪之。

村人言蟬固朽木所化鬻因剖一視之腹中猶實朽木 異物志云嶺表有樹如冬青實生枝間形如枇杷子每熟卽拆裂蚊子羣飛惟皮殼而已土人謂之蚊子樹 瀟湘錄云長安城禁苑內有一大樹冬月雪中忽花葉茂盛及凋落復結實其子光明燦然如火之照數日皆化爲紅蛺蝶飛去明年唐高祖入長安此其先兆也 北戶錄云段公路南行歷懸藤峽

維舟飲水觀岩側有一樹五綵初謂丹青之樹命僕採獲一枝尚綴蛺蝶凡二十餘箇有翠紺縵者金銀

襍書初編

卷之五

全

者丁香眼者紫斑眼者黑花者黃白者緋脉者大如蝙蝠者小如榆莢者登岸視之乃知木葉化焉 爾

雅翼云蘆蝦青色相傳蘆葦所化泥蝦相傳稻花所化多在田泥中一名苗蝦 本草云白茅其根乾之

夜視有光故腐則變爲螢火黃東發云腐草化螢乃螢宿其子于腐草旣成形則自腐草而出杜詩幸因

腐草出最精于物理備湖曰此說非也腐草實自生光而成螢豈有子宿于其間哉腐竹節亦成大螢火

又黃東發云江之有鱸鱖魚越之有秦皇酒甕魚

皆謂飲食殘魚之所變而非造化氣類之所成宣之
琴高臺下有魚小而極珍世傳以爲琴高昇仙時所
棄藥滓化成故其魚以琴高名或以藥滓名惟上巳
前後有之他時則無此又神仙餘丹所及非尋常可
比矣 文獻通考云唐太和九年鄭注藥篋中藥化
爲蠅數萬飛去 鱣是荇芩根所化異魚圖贊云土
龍之屬荇莖芹根化而爲鱣黃白異形按白鱣出交
趾 劉庭筆談云萬歷十年秋寧德縣鄉民穀連稻
草乘風飛上蔽天人望之一陣一隊若牛若馬若虎

豹獅象之類或飛遇山木高處偶爲木杪所礙卽有
一二穗飄挂其上土人援木取視之則皆腐已化爲
蟲矣 巡道東陽王公親見之 述異記云晉永嘉中
梁州雨七旬變化爲飛蛾又晉末荊州久雨粟化爲
蠱中郎王義興表奏曰臣聞堯生神禾而晉有蠱粟
陛下自以聖德何如帝有慚色 四川大竹縣邑志
云宋紹興時產大竹竹中有白兔因以名縣 海物
異名記海樹霜葉風飄浪翻如腐草化螢厥質爲魚
名楓葉魚 酉陽雜俎云以盆覆寒食飯于闔室地

入夏悉化爲赤蜘蛛 段成式云補闕張周見壁上

瓜子化爲壁魚因知列子朽瓜化魚之言爲不虛

李時珍曰古今註謂橘蠹化蝶爾雅翼謂菜蠹化蝶

丹青野史謂綵稻化蝶 螢之爲物一種小而宵飛

腹下光明乃茅根所化呂氏月令腐草化爲螢是也

一種長如蛆蠅尾後有光無翼不飛乃竹根所化也

一名蠲俗名螢蛆明堂月令腐草化爲蠲是也 搜

神記云朽葦之爲蜚也稻之爲蜚也 淮南萬畢術

風黍成蟻蟻言以秋冬養黍置溝中卽生蟻蟻也莊

樵書初編 卷之五

全

子云烏足之根爲蟻蟻

同異異同

驢父馬母曰驟馬父驢母曰馱驢 燕以日出為旦

日入為夕蝙蝠以日入為旦日出為夕 龜甲裏肉

驚肉裏甲 烏向啼背棲燕背飛向宿 鶴愛陰惡

陽雁愛陽惡陰 兔以潦為驚驚以旱為兔 菱葉

日舒夜斂芡葉晝合宵炕 松木葉直而身曲栢木

身直而葉曲樅木松葉栢身身葉俱直檜木栢葉松

身身葉俱曲 蟬飲而不食蠶食而不飲 鵲必單

棲鶯必匹飛 睡蓮晝開夜縮水底夢草晝縮夜舒

樵書初編

卷之五

出水 太陽草曰鷄格 即黃 餌之長生太陰草曰鈎

吻 其葉有鈎 食之立死二物相類 柳性耐水楊性宜旱

熊食鹽而死獺飲酒而斃 猩猩啼而就擒萬萬

笑而被格 鹿則比類環角外向以自防鷹 即鈴 則

獨棲懸角木上以遠害 蝶笑于鬚蛾笑于眉 楸

葉大而早脫謂之楸榎葉小而早秀謂之榎 蕤荷

依陰葵藿向陽 鸞入夜而歌天勝之也乾臯斷舌

則坐歌孔雀拍尾則立舞人勝之也 蠅市于朝蚊

市于夕 鷄晝明而夜昏梟夜明而晝昏

山海經諸神

山海經所載諸神殊形異狀筆之于圖令人怪駭何爲荒唐至此乎然作者亦必稍有據依豈盡憑空緒撰以誑惑後人也按李元陽洱海志云榆水西北岸各有水神祠神狀牛首人身或虎頭鷄喙皆大石自地湧出實非人工也此則山海經之一証矣 又遊皖山記云升高履危仰望三天柱令人肅然起敬中峰之頂其平如盤自度不能至乃呼曾至者問之有一樵者來曰盤上有異物十數朱髮人面長喙而肉

樵書初編

卷之五

五

翅如畫雷公之狀晴天仰臥頂盤如人晒腹樵者遇之雷電隨至故其頂莫得而登云此亦山海經之一証矣 又按金史熙宗天眷初元有龍見于熙州野水初見一蒼龍良久沒次見金龍爪承一嬰兒兒爲龍所戲無怖色三日始沒又見一人乘白馬紅袍玉帶如少年官馬前有大蟾蜍三時始沒郡人競往觀湧幢小品云萬歷丁亥秀水思賢鄉有異鳥集于樹人頭鳥身領下有白鬚竟日而去其年水災次年戊子米貴死者滿道 嘉靖十六年丁酉瓊州諸生

應試見海神立水面高丈餘朱髮長髯冠劍偉異衆
驚異下拜神掠舟而過次日有三舟復見諸生大噪
拒之神忽不見少頃風作三舟俱溺 魏濟西事耳

云廣西河池州近山地牧童十餘人羣聚歌舞或吹
笛戲方劇忽山半一人約長二丈面濶三尺餘披髮

烏喙背有二翼俯觀羣童爲樂嬉然而笑垂舌長過
腹羣童顧見大驚皆反走其神能彘語呼曰合合勿
去仍歌舞吹笛以樂羣童復聚吹笛歌舞如故其人
喜拊手大笑聲振林樾已而垂舌久之始去此皆是

雜書初編

卷之五

五

爲山海經諸神之証云 酉陽雜俎唐貞元四年宜
州忽大雷雨一物墮地猪首手足各兩各兩指執一
赤蛇嚙之俄頃雲暗而失 龍城錄云開元四年景
州水中龍見一龍三頭時鹵中大水後一日風自龍
見處西南來飛屋拔木半晝暝 南史梁武帝聽魏
降人王足之計堰淮水以灌壽陽于鍾離南起浮山
北抵巉石依岸築土合脊于中流費萬萬計夏日疾
疫死者相枕十五年四月堰成其長九里下濶一百
四十丈上廣四十五丈高二十丈深九丈五尺夾之

以堤并樹杞柳軍人列居其水清潔俯視邑居墳墓
了然若在其下其秋淮水暴長堰壞奔流于海殺數
萬人其聲若雷聞三百里水中怪物隨流而下或人
頭魚身或龍形馬首殊類詭狀不可勝名 三吳記
云吳大帝赤烏二年七月有王述者採藥于天台山
時熱息橋下忽見溪中有一小青童長尺餘執一青
蒲而乘赤鯉魚徑入雲中漸漸不見述良久登峻巖
四望見海上風寒起頃刻雷電交鳴俄然將至述懼
伏于虛樹中天霽又見所乘赤細童還入溪中乃

雜書初編

卷之五

矣

黑蛟耳

日月之異

漢景帝建元二年夏四月戊申有如日夜出漢成帝
建始元年八月戊午晨漏未盡三刻有兩月相承晨
見東方 晉愍帝建興二年正月辛未有三日相承
出於西方而東行五年正月庚子三日並照占曰三
日並出不過三旬諸侯爭爲帝四年三日復出 晉

元帝大興元年十一月乙卯日夜出高三丈中有赤
青珥五年正月庚子三日又見太興三年五日日出
梁武帝太清二年正月癸巳朔兩月相承如鈞見

樵書初編

卷之五

七

于西方 梁簡文帝大寶元年正月丙寅月晝見於
東方 西魏文帝大統十四年正月朔兩月並見

隋煬帝大業九年正月二十七旦兩月並見 唐太

宗貞觀初突厥有五且並照又有三月並見 唐僖

宗乾符六年十一月丙辰朔有四日並出而闕三日

乃不見闕者離而復合也 五代周恭帝顯德七年

正月癸卯日旣出其下復有一日相掩黑光摩盪者

久之旋有陳橋之變 宋眞宗景德元年十二月甲

辰日有二影如三日狀 眞宗天禧四年四月乙酉

西南方兩月重光 近異錄云宋慶元二年十月二十夜三更後月初出時臨安嘉興兩邦人未寢者皆見其圓圓如望夕太史奏是爲上瑞其地當十歲大稔又趙清獻賜第在京師府司巷長安街適史氏以暑月不寐啓戶納涼見月滿中庭如晝方嘆曰大好月色俄庭下漸暗月痕稍稍縮小斯須光滅仰視星斗燦然而日乃晦日竟不曉爲何物光也 兪州別集云日食在朔月食在望而亦有不盡然者宋慶元中一歲五次月食有十七夜十八夜二十夜二十

樵書初編

卷之五

五

一夜者其後一歲至八次月食而仍不拘望此尤異也 後漢書蔡邕傳元首寬則望舒朏侯王肅則月側匿注晦而月見西方謂之朏朔而月見東方謂之側匿則晦朔見月之異古蓋有之矣晉義熙九年十月二月辛卯朔月見東方是謂之側匿則侯王其肅乃劉裕擅政之應 雲錄漫抄云紹興三十一年七月二十六日侵晨日出如在水面色淡而白中有二人一南一北南者色白北者色黑相與上下甚遠至日光彩射火以水照之祇見南一人不見是年十

二月逆亮送死于淮南悟黑人爲亮云 異苑周昭
王時九月並出其色五采貫紫微王南巡狩濟江溺
死

樵書初編

卷之五

允

占卜異光

隋唐嘉話云今上玄宗之爲潞州別駕將入朝有軍

人韓凝禮自謂知兆上因以食箸試之旣布卦一箸

無故自起凡三偃三起觀者以爲大吉徵旣而誅韋

氏定天保因此行也凝禮起家五品 石林燕語云

宋慈聖太后在女家時嘗因寒食與家人戲擲錢一

錢盤旋久之側立不仆未幾被選此非占也而兆也

耳目記云長慶初鄴中有五明道士者善陰陽歷

數尤工卜筮成德軍節度田宏正月于財賄民衆怨

樞書初編

卷之五

六

咨時王庭湊爲部將遣使于鄴旣至忽有微恙數日

求醫未愈因就五明先生究平生否泰道士卽爲卜

之卦成而三錢並舞良久方定而六位俱重道士曰

此卦純乾變爲坤坤土也地也大夫將來秉旄不遠

兼有河山之分事將集矣宜速歸庭湊聞言遽自掩

其耳卽辭魏帥而廻未逾旬軍民大變殺宏正將校

擁脅庭湊而立之王師攻討二年不下俄而敬宗崩

文宗嗣位詔曲赦之就加節制庭湊旣立甚有治聲

閩書云建炎初林公武避地建安城南時葉儂作

亂挺身持帛書詣壘 招降賊疑間謀執而且殺之賊
取琬卜神曰必立琬 乃免琬下倚案而立賊異釋之
五代史周世宗在民間常與商顏跌販貨至江陵
有卜者王處士世宗因顛跌同往問焉方布卦忽有
一著躍然卓立卜者大驚曰吾家筮法十餘世矣常
記曾祖以來遺傳卜筮而著自躍出者其人貴不可
言况又卓立不倒得非爲天下之主乎遽起再拜世
宗雖佯爲詰責而私心甚喜 揮塵錄顯仁在北地
未知高宗卽位嘗用象戲局子裏以黃羅書康玉字
樵書初編

卷之五

空

貽于將上焚香禱曰今三十二子俱擲于局若康王
字入九宮者必得天位一擲其將子果入九宮他子
皆不近后喜甚卽具奏徽廟大喜曰瑞卜昭應異常
可無慮矣

